

CHINESE - JAPANESE LIBRARY OF
HARVARD - YENCHING INSTITUTE
AT HARVARD UNIVERSITY
APR 29 1940

53

T 3193/0.82

江西通志卷第一百七

祥異

箕陳禹範休咎並徵雨暘寒燠曰時與恒劉班繼之用志

五行貌言視聽類應為憑用占物候用協人情

聖皇御宇海晏河清諸福備至嘉祥並呈箕風畢雨實厘民

生江西樂土時慶豐亨人康物阜長頊昇平作祥異志

十政歷分星諸占日躔星紀之次其分野方位吉日蝕在斗

春秋感精符曰國飢武氏曰吳地有兵月蝕在斗占曰國

飢又曰兵起月入南斗荊州占曰吳越有災期不出三年

月犯南斗陳卓曰風雨不時兵起月乘宿南斗占曰有風

雨歲星在南斗占曰吳越有福歲星守南斗石氏曰歲星

守中久則穀貴春秋合誠圖曰歲飢人相食歲星熒惑合

哈佛大學漢和
圖書館珍藏印

於南斗占曰吳越飢旱不可用兵鎮星守南斗福德在吳
歲鎮斗牛吳越之福鎮星犯南斗占曰先水後旱太白犯
南斗主寇兵太白守南斗黃帝占曰所守之國凶太白鎮
星合於南斗占曰吳越有兵太白合歲星在斗占曰為亂
飢為內兵太白晝見南斗占曰有兵喪辰星犯南斗天文
籙曰有水災辰星守南斗陳卓曰萬物不成五穀傷敗熒
惑犯南斗其地主兵變熒惑守南斗占為亂賊喪兵守之
久其國絕祀客星守南斗占曰有兵絕道大水盜賊起黃
帝占曰五穀先賤後貴客星出南斗石氏曰天下飢人相
食關梁不通客星在南斗占有兵有赦流星入南斗占曰
穀貴民勞彗孛犯南斗占曰吳越兵起有自立者三年而
滅又曰吳越大水郭子章豫章書

昭公三十二年

敬王十年

夏吳伐越始用師于越也史墨曰不

及四十年越其有吳乎越得歲而吳伐之必受其凶

左傳

按杜注云此年歲在星紀吳越之分也歲星所在其國
有福吳先用兵故反受其殃杜注本之服虔而鄭注則
云天文分野斗主吳牽牛主越此是歲星在牽牛故吳
伐之凶鄭注本之劉向其義較長孔氏正義譏鄭為妄
者非也

越之亡熒惑守斗

史記天官書

漢

文帝五年吳暴風雨壞城及官府民舍豫章書十二年有馬生
角於吳角在耳前上鄉右角長二寸左角長二寸皆大二

一寸劉向以馬不當生角猶吳不當舉兵上向也時吳王
濞封有四郡五十餘城內懷驕恣天戒數見終不改悟後
卒誅滅豫章書

漢孝景帝二年七月丙子火與水晨出東方因守斗占曰其
國絕祀至十二月水火合於斗占曰為涿不可舉事用兵
必受其殃斗吳也又為粵是歲彗星出西南其三年吳楚
膠西膠東淄川濟南趙七國反吳楚兵先至攻梁漢遣大
將軍周亞夫等戍止河南呂候吳楚之敵遂敗之吳王亡
走粵粵攻而殺之漢書天文志

建平中豫章有男子化為女子嫁為人婦生一子豫章書
建武二十四年九江多虎大蝗志

永平六年正月辰中星出牽牛長八尺彗星至房南滅

見至五十月牽牛主吳越後廣陵王荆與沈涼楚王英與
顏忠各謀逆事覺皆自殺十八年十一月甲辰晦日有蝕
之在斗二十一度是時馬太后制爵祿故陽不勝後漢書

天文志

永平十三年白鹿見南昌林志永平末豫章蝗穀不收民饑死
每縣幾數千百十人五行志注

元和二年白鳥見南昌時李儀為太守林志三年海昏縣出明
月珠縣東十五里地名珠溪大如雞子圓四寸八方古今注

永元十一年豫章餘干得白鹿高丈九尺古今注

永初六年夏六月豫章負谿原山崩共六十三所鄭樵通志

元初六年南昌芝草生通鑑綱目

永建六年十二月壬申客星芒氣長二尺餘西南指色蒼白

在牽牛六度客星芒氣白為兵牽牛為吳越後一年揚州
六郡逆賊章何等稱將軍犯四十九縣大劫略吏民後漢
書五行志

永和二年八月庚子熒惑犯南斗斗為吳明年五月吳郡太
守行丞事羊珍反江賊蔡伯流等數百人攻廣陵九江燒
城郭殺都長四年七月壬午熒惑入南斗犯第三星斗為
貴相為揚州熒惑犯入之為兵喪其六年大將軍王商薨
九江丹陽賊周生馬勉等起兵攻沒郡縣同上

永和間豫章太守孔竺臨郡三月白雀出南昌藝文類聚

吳

黃武元年鄱陽白龍見三年鄱陽大飢七年豫章黃龍見志安
赤烏十一年夏五月鄱陽言白虎仁豫章書十三年夏五月日

北至熒惑逆行入南斗秋七月犯魁第三星太元二年權
薨是其應也故國志書於吳晉書天文志

魏高貴鄉公正元元年十一月白氣出南斗側廣數丈長竟
天王肅曰蚩尤之旗也東南其有亂乎二年正月有彗星
見於吳楚分西北竟天鎮東大將軍毋邱儉等據淮南叛
景帝討平之是歲吳主孫亮五鳳元年也斗牛吳越分案
占吳有兵喪除舊布新之象太平三年孫綝盛兵圍宮廢
亮為會稽王故國志又書於吳同上

太平初嘉禾生南城豫章書

永安六年赤雀見豫章豫章書

晉

晉武帝太康元年正月己丑朔五色氣冠日自卯至酉占曰

君道失明丑為斗牛主吳越是時孫皓淫暴四月降同是

年豫章生嘉禾龍見於建昌七里汀立祠祀之後禱雨輒

應安志三年白雀見豫章玉海五年秋七月嘉禾生南昌豫章書

秋九月南安大霖雨暴雪樹木摧折害秋稼鄭樵通志七年木

連理生豫章太守蘭隸以聞安志八年夏四月木連理生廬

陵東昌白下大記

元康四年秋七月白鳥見鄱陽豫章書

永興元年彩雲覆豫章甘露降麒麟見是年石陽地震水湧

山崩安志九月太白入南斗是年陳敏亂揚土晉書二年蝗

大飢安志

永嘉三年鎮星久守南斗占曰鎮星所居者其國有福是時

安東琅邪王始有揚土同六年秋七月豫章郡有樟樹久

枯忽更榮茂元帝中興之應也永嘉末豫章有大蛇長十

餘丈斷道過者蛇輒吸之吞噬百人吳猛與弟子殺蛇猛

曰此是蜀精蛇死而蜀賊當平既而杜弢滅豫章書

元帝渡江歲鎮辰太白四星聚於牛女間晉中興書

太興元年正月麒麟見豫章豫章書冬十二月廬陵豫章地震

湧水出鄭樵通志二年夏五月蝗豫章書三年春正月白鹿二見

豫章孫氏瑞應圖云白虎

太寧三年十一月癸巳朔日有蝕之在卯至斗斗吳分也其

後蘇峻作亂晉書志

咸和二春二月南昌有騶虞見安志夏四月己未豫章地震

鄭樵通志四年冬十月柴桑廬山西北崖崩豫章書

-5 180 35 925" data-label="Text">

咸和四年七月有星孛於西北犯斗二十三日滅占曰為兵

亂十二月郭默殺江州刺史劉楨荊州刺史陶侃討默斬之晉書志

咸康二年秋七月白鹿見望蔡豫章太守桓景獲以獻五年南昌民掘地得銅鐘四枚太守褚裒以獻豫章書

永和十二年秋七月甲申白兔見鄱陽太守王者之以獻并上頌一篇豫章書

升平四年春二月鳳皇將九雛見於豐城安志

興寧三年夏五月廬陵西昌修明家有僵粟忽復起晉書

咸安二年春三月白虎見豫章南昌縣西鄉石馬山前豫章書

太元六年夏六月江州大水豫章書十一年秋八月乙酉白鳥

集江州寺庭羣鳥翔衛豫章書十四年桐木連理生豫章新

淦陸地生蓮太守范甯表聞藝文類聚冬十一月辛亥白虎見

豫章豫章書十六年太守范甯獻白鹿一頭晉起居注十八年夏

六月己亥南康廬陵大水深五丈鄭樵通志十九年十二月癸

丑太白犯歲星在斗占曰為亂飢為內兵斗吳越分至隆

安元年王恭等舉兵二年恭及桓元陷江州是後連歲水

旱飢晉書志

隆安四年正月乙亥月犯填星在牽牛占曰吳越有兵喪女

主憂同上

元興二年十一月辛巳月犯熒惑十二月桓元篡位遷帝后

於潯陽三年二月劉裕盡誅桓氏同上三年江州竹生實如

麥夏六月白雀見新淦獲以獻豫章書

義熙元年八月丁巳月犯斗第一星占曰天下有兵一曰大

臣憂案江左來南斗有災則吳越會稽丹陽豫章廬江各

隨其星應之宋書天文志南康零都山有金雞青黃色飛集巖

間豫章書五年春正月戊戌夜潯陽地震有聲如雷六年三

月己巳月掩斗第五星占斗主吳兵起是年徐道覆盧循

反宋書天文志七年白雉見南昌安志八年自正月至四月南康

廬陵地四震鄭樵通志義熙中豫章郡吏易拔變為三足虎異苑

宋

文帝初為宜都王臨川人獻王萍實六子大者如斗小者如

鶴卵圓而赤初莫有識者以問長史王華曰此萍實也宣

尼所謂王者之應宋祚當卜年六百頃之宜都王即位諸宮

故事六年春三月白象見安成安復江州刺史南譙王義宣

以聞十七年潯陽祐成湖芙蓉生連理二十年夏五月廬

陵郡地芙蓉二花一蒂太守王淵以聞二十一年白雀見

南昌二十二年春二月辛未白鹿見贛縣南康相劉興祖

以獻豫章豫寧得銅鐘江州刺史廬陵王紹以獻二十四

年春二月壬午臨川王第梨樹連理臨川王燭以聞三月

甲寅甘露降潯陽廬陵王紹以聞夏四月癸未甘露再降

潯陽丙申又降江州城內桐樹丁酉又降城北數里廬陵

王紹以聞二十七年夏四月乙卯至戊午甘露頻降南昌

戊午午時天氣清明有彩雲映覆郡邑甘露自雲中降太

守劉思孝以聞二十八年春正月戊子木連理生潯陽柴

桑又生州城內江州刺史建平王宏以聞秋七月癸卯潯

陽柴桑菽粟旅生彌漫原野建平王宏以聞二十九年秋

八月癸酉白鹿見鄱陽南中郎將武陵王煒以獻豫章書

孝建二年餘干地震死者二十九人安志三年春三月庚子白

鹿見臨川西豐夏四月丁亥臨川宜黃縣民於田中得銅鐘七口內史傅徽以獻 豫章書

大明元年夏四月戊申白雀見潯陽冬十月丁丑木連理生

南昌五年夏五月白雀二見潯陽江州刺史桂陽王休範

以獻七年春三月丙申甘露降潯陽太守劉濛以聞夏四

月乙未白雀集廬陵王第廬陵王敬先以獻 豫章書

宋孝武大明六年八月月入南斗魁中占曰吳越有憂明年

揚南大旱田穀不收民流死亡七年二月月犯南斗第四

星入魁中占曰豫章受災豫章王子尚死 宋書天文志

泰始二年嘉蓮一雙駢花並實合柎同莖生豫章醴湖 海玉

年春二月丙申望蔡獲古銅鐘高一尺七寸圍二尺八寸

太守張辯以獻五年夏五月壬戌南昌獲古銅鼎 安志云上有篆

容斛七斗江州刺史王景文以獻六年秋七月壬午白

雀二見廬陵吉陽內史江攷以聞冬十二月壬辰木連理

生南昌太守劉悛以聞 豫章書

元徽五年夏四月乙巳白雀二見潯陽柴桑江州刺史邵陵

王友以獻 豫章書

齊

建元元年夏廬陵長溪水衝擊山麓崩四年春三月白虎見

虔化縣 安志

永明元年夏五月木連理生安成新喻縣二年彭澤獲白雉

一頭三年春正月安成縣榆樹二株連理秋七月安成王

暠第獲白雀一頭四年夏四月東昌縣山自比歲以來恒

發異響二十五日有一巖褫落縣民方元泰往視於巖下

得古鐘一枚齊書五年望蔡獲白鹿一頭春三月豫寧縣長
岡山得神鐘一枚八年餘干縣獲白獐一頭冬十二月柴
桑縣陶委天家樹連理十年鄱陽郡獻一角獸龍首鹿形
龍鷹共色豫章書

梁

梁武帝天監元年八月壬寅熒惑守南斗占曰糴貴五穀不
成大旱多火災吳越有憂宰相死是歲大旱米斗五千人
多餓死其二年五月尚書范雲卒隋書天二年夏六月太
末信安安豐大水五年廬陵太守王希冉於高昌縣之仁
山獲銅瑞劍二口以聞六年夏六月新吳縣獲四目龜一
豫章書九年望蔡縣得銅鐘內史表箋以獻安志十年夏五月
癸酉安豐縣獲一角元龜豫章書

大同五年十月辛丑彗出南斗長一尺餘東南指漸長一丈
餘十一月乙卯至婁滅占曰天下有謀王者其八年正月
安成民劉敬躬挾左道以反黨與數萬隋書天文志

太清三年夏六月江州大飢人相食

豫章書

太寶二年夏六月陳霸先發南康贛江水暴起數尺灘石盡
沒進軍頓西昌有龍見水濱高五丈有五采色觀者數萬
人霸先獨坐胡牀於閣下忽有神光滿閣燭照廊廡趙知
禮怪問不荅尋進軍討侯景破之淳熙志

陳

陳文帝天嘉四年九月癸未太白入南斗其後安成王為太
傅廢少帝而自立改官受爵之應也隋書天五年春正月
乙酉江州溢城火死者二百餘人安志

太建七年冬十二月甲子南康郡獻瑞鐘一十四年秋十月
辛未江水色赤如血 豫章書

隋

開皇三年餘干大水漂市民三十五家 安志 八年十月甲子有
星孛於牽牛牛吳越之星陳之分野後年陳氏滅 隋書天文志

唐

武德六年慶雲見洪州 安志 九年江州都督太子衛副率侯君

集於納義門獻白雀一 豫章書

貞觀十五年洪州獻元珪 玉海 十九年餘干鶴生三雛一赤翎

二白翎時縣令顧錫 豫章書 貞觀間洪州馬孝恭入南山化

為虎二十年後轉為人而死 安志

永徽元年夏六月饒州大水溺死者數百人 豫章書

顯慶元年秋七月吉州火焚倉廩甲仗及民居二百餘家冬

十一月己巳饒州火 豫章書 四年建昌白鳥集 安志

龍朔二年南康景雲見 安志

麟德六年望蔡縣來白麋入民家馴擾不驚郡守獲之以獻

二十七年春筠州大水 安志

垂拱三年飢天授元年白鹿見餘干習善鄉萬歲登封元年

春三月壬寅撫州火 豫章書

開元五年洪州火延燒州署州人見有物赤而噉噉飛來旋

即火發 林志 十三年撫州三脊茅生 豫章書 十八年白鹿見豫

章二十七年春三月袁江二州水 豫章書

天寶初臨川郡人李嘉肩屋柱生芝草狀如天尊像太守張

景佚截獻之 豫章書

大曆七年春二月庚午江州水溢豫章大曆間仙鶴巢於大

天果寺樹安志

貞元元年嘉禾生洪州或五莖四穗或兩莖三穗安志二年洪

州火燔民居萬七千家志十年夏四月江州溪澗魚頭皆

戴蚯蚓豫章書十一年星子來白鹿李渤馴焉飼以自娛今

白鹿書院因此名也安志

永貞二年秋洪州火燔民舍七千家安志

元和二年秋洪州大旱安志三年旱四年秋旱七年夏五月饒

撫虔吉信五州暴水虔尤甚平地有深至四丈者豫章書高

安城中火焚官舍民居甚多安志九年秋江撫袁等州大水

害稼豫章書十一年秋九月饒州大水漂失四千七百戶綱目

十五年六月十六日慶雲見袁州西北至暮方散刺史韓

愈以表圖稱賀昌黎集秋洪吉信等州水豫章書有星隕于牙

門將孔知讓第仰山古廟獅鳳見安志

長慶三年秋洪州螟蝗害稼八萬頃豫章書四年冬十一月吉

州大水安志

寶曆元年秋旱豫章書

太和四年大水鼠害稼八年秋水害禾豫章書

大中間虔州刺史賈琮入覲駐旌遂興江口見州有五色祥

雲起因名萬安為五雲林志

咸通七年白鹿見餘千萬年鄉以獻豫章書

乾符六年歲星入南斗魁中黃巢陷餘干餘干縣志

中和年瑞州昇元觀生瑞竹自根至三尺岐為兩竿安志

光化三年十月太白鎮星合於南斗占曰吳越有兵是時楊

行密錢鏐稱兵 豫章書

天祐二年夏四月庚子有星類太白上有光似彗長三四丈色如赭辛丑色如縞或曰五車之水星也時邑人盧光稠為本州防禦使尋加節度使兼制南雄韶州次年嶺南劉隱稱大彭王光稠與戰破之五車州之占候水者兵象也
上猶七年庚午夏洪州賈石於越王山下昭仙觀前有聲如雷光彩五色闊十丈袁吉江洪四州皆見觀前五色煙霧經月乃散 錄異唐末安福縣生蓮一莖四房時楊彥伯為宰 豫章書

後唐

同光二年洪州民生男豕首鶴足 安志

南唐

保大二年袁州火三年筠州州治火 安志南唐間紫芝生廬陵

歐陽家屋楹 六一居士家譜南唐時南昌新義里地陷長數十步

廣者數丈狹者七八尺 稽神錄

宋

開寶八年彗出五車色白長五尺是冬南唐亡 吳任臣十國春秋

太平興國二年饒州獲六目龜以獻七年江州水漲 豫章書

雍熙二年虔州吏李祚家馬生駒足各有二距 安志冬十二月

南康軍大雨雪厚三尺江水冰合可勝重載 綱目

淳化元年夏六月吉州大雨江漲丈三尺漂壞民田廬舍江

州水漲二丈八尺秋七月洪州江水漲壞城三十堵漂民

舍二千餘戶 豫章書

咸平元年夏六月大雨壞洪州城漂沒二千餘人 林志七年夏

五月撫州修天慶觀解木有文如墨畫雲氣峰巒人物衣冠之狀白雀二見餘干福應鄉異鹿見餘千萬春鄉毛青如荷葉文白如梅花時縣令吳在本有異政

豫章書

景德三年撫州獻白鳥有詔罷免歲貢四年信州飢

豫章書

六年五月甲辰月犯南斗占曰大臣憂明年樞密使王欽若罷欽若豫章人也

同上

大中祥符元年夏五月龍墜於餘干之李梅峯七日不起將屠之暴雨迅雷而去

安志

冬十二月甘露降上饒縣三年春二月饒州獻芝草四本夏六月吉州臨江軍竝江水泛溢

害民田秋七月吉州言嘉蓮一莖二花袁州水漲墮州城四年秋七月洪江筠袁江漲沒民田六年春二月廬山崇聖院生芝九本知州王文震以獻夏四月饒州承天院東

山生紫芝四本蓮葉

豫章書

天禧元年浮梁縣山竹生實如米四年冬十一月上饒民王壽園中生芝草三本皆金暈其二連理

豫章書

景祐元年秋八月分寧縣大水漂沒民居死者三百七十餘人

安志

袁州霖雨暴漲壞民廬舍官署圖籍倉庫皆湮沒

林志

三年夏六月虔吉等州水溺死者賜其家緡錢

豫章書

慶曆三年浮梁大水

林志

四年吉州甘露降夏五月乙亥金谿縣得生金山重三百二十四兩五年秋八月洪州章江禪院堂柱芝草生高一尺二寸葉二十一層色白黃有紫暈

旁生小芝葉九層上有氣如煙

豫章書

皇祐二年夏六月信州水破城沒官舍淹民居

林志

四年甘露

降吉州

仁宗實錄

嘉祐元年阜浮梁鄭夢龍園池生荷花一蒂雙萼林志

治平元年洪州水安志

熙寧元年秋九月撫州有白兔豫章書二年夏六月吉州城西

池生瑞蓮林志秋八月吉州玉虛觀生芝叢安志三年夏六月

己未饒州長山雨木子數畝狀類山芋子味香而辛土人

以為桂子又曰菩提子是年大稔豫章書

元豐元年芝草生南昌射圃豫章書二年袁州生嘉禾安志夏四

月南康軍甘露降六月又降豫章書秋洪州稻已獲再生皆

實安志三年臨江軍芝生四十三本豫章書六年八月吉州生

芝草三十本是年芝二本生於州院獄門之東又生於郡

齋又生於西峯之秀野亭最異者黃芝異本同穎時廬陵

守魏綸有能名即秀野亭以為三秀亭屬黃庭堅記之黃

山谷文集

元祐元年宜春進士王忱家產粟二本四穗長尺餘司理李

冲元為瑞粟記袁志八年晉陵邵叶為新昌宰視事之三月

靈芝五色十二生於便坐之室黃山谷文集

建中靖國元年信州旱豫章書

大觀二年大旱夏六月至冬十月不雨豐城縣得古鐘大小

九具有篆文詔令進上安志秋八月瑞州木連理大觀中甘

露降瑞州時郡守曹坦四年夏六月瑞蓮生袁州學西合

榭同莖駢花並實州守趙瑞記秋九月右丞相張商英言

袁州產瑞禾高踰九尺分布七穗上瑞禾圖豫章書

政和元年辛卯虔州生芝草仰山太平禪院產嘉穀安志政和

間吉水李籌兄弟母墓在匡山木連理豫章書

宣和間永豐曾正矩家池亭蓮一本而兩葩竹一幹而兩竿

林志六年袁州火

建炎四年分寧縣治火志十九年八月戊午月入南斗次年

信州盜起 豫章書

紹興初朱勝非出守江州過梁山龍入其舟纜長數寸赤背

三鴈白尾黑爪甲有聲目有光三年樂平旱撫州祥符觀

甘露降知州高衛繪圖以聞吉州飢令宣諭使賑之四年

筠州水害稼自夏及秋江西九州三十七縣皆水豫章書七

年饒州水壞城九年饒州大飢林志十三年秋七月玉山縣

西七里居民謝七婦化為牛十四年春正月樂平縣何衝

里田隴數十百頃田中水如爲物所吸聚爲一直行高平

地數尺不假隄防而水自行里南程氏家井水溢亦高數

尺天矯如長虹聲如雷穿牆毀樓二水鬪於杉墩且前且

却約十餘刻乃解各復故夏四月虔州民屋毀折柱木理

有字五其文曰天下太平時綱目秋八月撫州獻瑞粟一本

八穗一本九穗詔付史館十五年臨川禾生九穗州守晁

謙之表聞乞付史館十九年夏四月甘露降江西路二十

一年春二月辛未南安軍大雷雹大庾令連潛初至吏人

抱文書環立忽有黑氣晦暝咫尺不相視掣電震霆仆羣

吏於地令悸甚匍匐案下少頃乃霽吏死者四人昔皆爲

經界司吏云是年饒州鄱陽縣石門民家籬竹生重萼牡

丹又民家竈鼎生金色蓮花虔州亦有蓮同蒂異萼二十

三年新喻有巨室篋中時有火光燔衣帛過半而篋不焚

豫章書二十五年湖口縣赤龍橫水中寒風怒濤覆舟數十

人多溺死安志冬十月以南安雙蓮花贛州瑞木信州芝草

並繪於旗豫章書二十七年洪州暨各郡大水安志是年鄱陽

縣有妖鳥鳧身雞尾長喙方足赤目止於民屋數日彈矢

不能中亦羽孽也三十年春撫州宜黃縣有大蛇見於丞

治長二丈捕之縱數里外俄復至者數四豫章書紹興間吉

安王珠廬母墓有雙竹靈芝之異甘露降浮梁李椿年母

墓樹林志

隆興元年春萍鄉池蓮一本三花是年袁州發解進士四人

萍鄉居其三州守趙瑞為圖林志時白鹿見南昌三年秋八

月積潦至九月禾稼皆腐隆興四縣為甚四年秋七月饒

信水六年夏五月大水八年臨江隆興大水九年夏五月

隆興吉饒信水圯民居壞田圩豫章書

元道元年永寧寺池前大樹化為龍飛去安志二年六月乙酉

月入斗八月庚辰亦如之占女后憂十一月戊午月犯權

星占曰女后憂明年皇后夏氏崩夏后宜春人也豫章書四

年夏六月隆興旱五年夏饒信大飢民多流徙豫章書秋七

月龍鬪於武寧縣西北大雨迅雷二龍奔逝隋珠於復塘

村為牧監所得自是連年水安志七年隆興江筠饒南康臨

江首種不入冬不雨秋江筠州隆興飢人食草實流徙淮

甸發廩賑之不給詔立勸分賞格內出左帑增賑饒州收

育棄兒八年隆興府江筠州臨江軍大旱九年吉贛臨江

南安久旱無麥苗浮梁大水隆興府鼠害稼千萬為羣甚

於螟蝗九年秋吉贛臨江南安皆螟豫章書

淳熙元年飢賑以常平義廩六十二萬斛豫章書二年彭澤馬

當山羣狐掠人安志五年旱豫章書七年春三月不雨大旱蝗

民飢筠州大水淹沒田廬安志夏五月丙辰分宜大水林志八

年春江州飢安志正月云至十月諸郡不雨自人採葛而食詔罷守臣

章驛饒州流徙入淮郡者萬餘人夏五月江州水九年春

德興縣民家有鏡自飛舞與日光相射夏五月不雨至秋

七月隆興吉撫筠袁臨江建昌旱豫章書是年筠州無訟堂

產瑞芝時趙謐為太守十年鄱陽南鄉民生子兩肘有三

臂長能鬪六臂並運後不知所終安志秋八月信吉二州水

十一年夏四月不雨至秋八月吉贛建昌旱吉尤甚冬不

雨至明年二月十二年飢令帥臣賑粟十四年夏五月隆

興饒州江吉撫筠袁臨江建昌皆旱給度僧牒鬻以糴米

備賑十五年吉州治東池生雙蓮太守朱希顏有記豫章書

是年隆興府大水奉新尤甚淹沒八百餘家安志十六年夏

五月分宜水豫章書時廬陵三山曾季淵家有合抱二木隔

道株相連理林志

紹熙四年吉州水漂沒民廬及泰和官舍自夏及秋江西九

州三十七縣皆水五年饒信江撫諸州水豫章書

慶元元年樂平民產子人體有尾又民家生數豚而首各備

他獸形亦有人首者又更具他獸蹄又鄱陽民家有一猫

帶數十鼠行止食息皆同如母子相哺者民殺猫而鼠舐

其血鼠象盜猫職捕司盜廢職之象也與唐龍朔洛州猫

虎同占豫章書二年秋七月進賢縣民產子首有角腋有肉

翅面具三目有尾安志三年夏四月饒州餘干民家生八豚

-2 165 38 928" data-label="Text">

其二為鹿樂平鄉田家牛生犢一角鱗身肉尾農以不祥

殺之或惜其為麟同縣萬山牛生犢人首德興縣羣狐入民舍四年夏五月不雨至七月旱六年饒信及江西郡國皆大水自庚午至甲戌流民廬害稼豫章書

嘉泰間金芝生廣昌縣解三年秋七月水害苗稼四年春撫袁隆興臨江大飢殍死者不可勝瘞有舉家二十七人同赴溺者令郡縣發常平倉賑之部使者益以緡粟豫章書

開禧二年南康軍旱豫章書三年夏五月浮梁大水林志三年二月癸丑月犯五車東南星占兵起駕道不通己未火星退留守權星占女后有憂於是成肅太皇太后崩文獻通考

嘉定元年夏五月甲子安福荆山民早出忽一星墜於前亟掘地得之光彩燦燦毀為數十片亦如之二年夏六月有年秋八月己巳信州火燔民廬二百家九月丁酉吉州火

燔五百餘家冬十月撫州火七年春正月庚辰江州燈夕

黑雲暴風暮作郡治遊人相踐死於門者二十餘人八年

南昌春旱首種不入至八月乃雨樂平旱九年夏五月信

饒大水流田廬害稼豫章書十年饒州大飢林志十四年旱吉

贛建昌為甚十五年夏五月不雨至七月贛州大旱十七

年夏五月建昌大水圯民廬城郭害稼豫章書

金壹宗興定五年正月辛丑太白晝見於牛二百三十有二日乃伏時司天夾谷德玉等奏以為臣強之象請祭以禳之宣宗曰斗牛吳分蓋宋境也他國有災吾何禳乎王圻

續文獻通考

紹定間產芝二本黃房紫萼十二層十六葉在饒州宣聖殿

林志四年秋九月建昌軍火豫章書

端平元年夏六月朔大風雷屋瓦皆飛鳥獸驚駭豐城縣晝
晦大風雨雹吹瀕江廬舍於水人多溺死縣治寺觀飄揚
飛去帥守陳鞞自劾於朝安志

嘉熙四年夏六月江西大旱蝗豫章書

淳祐元年甘露三降餘干孝子劉泌家梅樹林志十二年信州

飢豫章書

寶祐元年夏六月江西旱豫章書

咸熙五年夏五月有星孛於南斗上猶縣志七年春三月吉州飢

夏六月賑瑞州飢民豫章書十年春正月己卯朔永新有氣

如虹橫貫一邑通鑑簡要

元

至元二十五年秋八月萍鄉縣進嘉禾豫章書秋九月庚子焚

惑犯南斗時嶺南賊董賢舉兵剽掠韶雄南安江西行省

平章事忽都帖木兒討之不克江西行樞密使月的迷失

請益兵上猶縣志二十六年冬十二月寧州生嘉禾二本州民

張安世以進二十七年秋七月龍興路水溢城幾沒贛吉

素瑞建撫皆水二十八年撫州飢二十九年夏五月龍興

路南昌新建進賢三縣水豫章書

元貞元年夏五月鄱陽餘干水二年夏六月泰和州蝗豫章書

大德元年夏五月龍興南康饒州水餘干山澤龍出凡四五

十舟行樹杪二年夏六月撫州崇仁縣辛陂村有星隕於

地為綠色圓石邑人張椿以狀聞豫章書秋七月江西水綱目

六年夏六月饒州大飢林志秋七月龍興民訛言括童男女

至有殺其子者命捕為首三人誅之始息綱目七年夏五月

龍興南康袁州撫州等路南豐等州飢豫章書九月辛未熒

惑犯南斗是年江西飢上猶縣志九年夏六月龍興撫州臨川

三路水十年春正月湖口縣方丙妻甘氏一產四男夏六

月龍興南康蝗豫章書大德間餘干習泰鄉章雲西齋生竹

一本三幹林志大德間得銅鐘於進賢之上破山安志

皇慶元年夏四月龍興路新建縣兩害稼二年冬十二月德

化縣災豫章書

延祐元年秋八月龍興路水安志二年夏四月江州建昌飢三

年夏四月南豐州飢五月袁州飢四年秋七月南城產嘉

禾七年夏五月鄱陽進嘉禾一莖六穗豫章書

至治元年江州贛州霪雨二年冬十二月南康建昌大水山

崩三年秋八月袁州宜春縣隕霜害稼豫章書

泰定元年春正月信州上饒飢夏五月贛州吉安臨江飢秋

八月江州建昌南安等路屬州縣飢九月建昌旱二年春

正月瑞州飢三月江州飢夏四月南安飢五月袁州撫州

飢三年夏六月龍興路寧州高市火燔五百餘家秋七月

龍興奉新火冬十二月瑞州大水壞民田五千五百頃廬

舍八百九十所溺死者百五十人四年秋八月龍興路火

九月建昌贛州飢豫章書

致和元年春二月癸亥信州貢綠毛龜豫章書

天曆二年秋八月饒州旱豫章書

至順元年江西飢有田之家盡為餓殍林志

元統元年冬十二月德興餘干樂平地地震二年春二月瑞州

路水夏五月信州地震秋九月吉安路水南康旱豫章書江

州飢 安志

至元元年春三月龍興路飢冬十二月饒州地震二年信州瑞州等路旱江撫袁瑞飢三年瑞州臨江南昌新建飢四年春新昌州地震夏五月吉永豐大水六月信州路靈山裂五年春二月信州雨土冬十一月新昌州雨木冰十二月袁州飢 豫章書

至正三年大疫 林志 四年春正月靖安縣雨木冰五年瑞州路

飢 豫章書 六年進賢縣甘露降瑞州西澗書院生靈芝瑞草

安志 八年夏四月奉新大雨雹傷禾折木九年靖安山裂十

年夏五月甲子寧州山崩丙寅上高縣蒙山崩龍興瑞州

大水十一年進賢生瑞竹南昌新建大水 豫章書 夏大雨蛟

出山崩餘干清湖水忽黃而濁者三日 安志 七月己未太陰

犯斗宿東第三星十月辛己太陰犯斗宿距星乙酉太白

犯斗宿西第二星明年徐壽輝破江袁瑞饒信等州 豫章書

冬十月信州雨黍饒州雨黑子大如黍菽民多取而食之

綱目 十二年春正月星隕於吉州城東北其光如火其聲如

雷夏四月龍興大疫十三年夏饒州龍興瑞州建昌吉安

大旱冬袁州路有黑氣環城 豫章書 十四年夏四月江西大

飢 綱目 冬龍興雨木冰 豫章書 十七年七月甲申太陰入犯斗

宿距星閏九月丙午太陰犯斗宿南第三星明年陳友諒

陷龍興 豫章書 十八年星隕於康郎湖中焰曲如筭二十年

春大雨雪連綿六十日二十一年秋地震屋瓦皆鳴 安志 二

十三年二月星隕康郎湖中曳焰曲折袁準曰此枉矢星

也主兵四月陳友諒襲龍興七月明祖帥舟師二十萬救

之大戰鄱湖五日夜湖水盡赤餘干縣志

明

洪武元年熒惑觸歲星寧州大風雨出蛟山水暴溢民多溺

死詔遣使賑恤夏六月瑞州府地震二年饒州霖雨三月

水深丈餘城多傾圮安志三年芝生泰和縣廳樑柱二莖狀

如慶雲網緼五色燦然光潤秋縣南陳煥章家產芝三莖

其色絢爛光彩奪目林志四年熒惑留南斗是年胡廷美戰

鉛山擊陳友定不克鉛民大亂廣信府志六年癸丑冬十一月

贛州民呂氏產白牡丹於冰雪中盛開豫章書十三年夏五

月瑞州大水新昌泰和橋圯府城水三日林志三十年冬十

一月瑞州虎入城三十一年春大雨雹安志

建文二年鄱陽大水豫章書

永樂元年芝草生樂平二年饒州大水三年廣信大水豫章書

四年廣信大水暴漲瀕河之民遭決沒者甚眾林志五年撫

州建昌疫至明年正月仍疫六年秋七月玉山永豐疫冬

十月上饒疫八年春三月吉永豐縣學生負黃端家竹一

本二幹十年夏袁州虎殺人僉事黃翰為驅虎文禱於城

隍之神自四月雨至五月武寧大水漂沒民居令戶部撫

恤十一年春二月豐城德安建昌飢十三年秋七月瑞昌

縣飢十四年廣饒二府大水豫章書

洪熙元年春二月饒州府地震秋七月又大震河水震蕩屋

瓦有聲安志

宣德四年鄱陽火七年浮梁大水豫章書

宣德六年熒惑犯南斗是年鉛山水大飢廣信府志

宣德八年南昌饒州廣信南康九江大水九年南昌瑞州臨

江袁州撫州旱民飢安志白雀見南昌十年大飢林志

正統三年夏五月芝生泰和儒學西齋如瑤瑜瓊玖精英燦

異白下大記十二年進賢瑞竹生十四年南昌大水豫章書湖口

縣鐘山裂安志

正統十四年七月熒惑入南斗先是鄧茂七聚眾寇汀州命

尚書金濂寧陽侯陳懋等率江西兵討之是年茂七中流

矢死眾擁其兄子伯孫為渠帥官軍討之久乃克上猶縣志

景泰三年冬至四年春瑞州凝雪六十餘日五年春二月廣

信大雨雪餘四十日豫章書

天順元年浮梁大水二年夏四月瑞州大水山崩蛟出八年

夏四月袁州大水秀江橋圯豫章書

成化元年秋七月大水詔戶部勘實以聞二年南昌旱大庾

產嘉禾豫章書三年夏南昌府屬三月不雨大無禾四年寧

都三江水合先是有三江合狀元來之謠明年邑人董越

果進士及第春三月豐城大風拔木壞屋安志是年大旱免

南昌等府衛官民田并山蕩屯田秋糧子粒凡二百八十

八萬六千三百餘石豫章書五年冬萬載縣東郊虎出噬人

七年春武寧縣雨木冰安志樂平縣大水豫章書八年瑞州大

雨雹其大如拳屋瓦皆碎秋大水新昌縣民姚永貞家產

紫芝五本安志九年鄱陽火十年餘干大水豫章書歲甲午芝

草生豐城學夏瑞州府文廟產西瓜一莖七實其年登秋

榜者七人林志十二年浮梁大火豫章書十四年南康府文廟

產五色靈芝安志夏四月袁州大水林志十五年春芝生大庾

龍華山佛殿右柱太守張弼詩以紀之南昌旱豫章書十六

年湖口縣上鐘山崩十七年彭澤縣大疫十八年南康府

龍出於儒學泮池安志是年貴溪水豫章書二十年春三月南

瑞大雨雹夏四月撫州大水傷稼二十一年臨江霪雨水

漲四郊一壑豫章書是年芝生奉新縣民家夏五月南昌大

水漂沒民廬人畜甚多浸城門五日方退林志是月吉安亦

大水高十餘丈漂沒田廬溺死者無算二十二年大庾大

疫豫章書夏大水決天井壩為河河在四十二都先是民家

天井中出二角似竹笋乃龍角也未幾水漲決為河二十

餘里今名天井壩白下大記

治元年春正月奉新縣雨木冰安志秋七月廬山芝草生有

一本十餘莖者二年秋九月南昌鐵柱宮火豫章書三年泰

和天馬山鳴白下大記四年夏六月九江雨雹六年春三月貴

溪大雨雹形如馬首重十餘觔屋樹鳥獸俱傷冬十二月

南昌撫州大雨雪是年廬山白鹿洞芝草盛生安志餘干火

豫章書七年冬十一月地震有聲安志是年袁州嚴寒林木枯

摧人多凍死八年夏瑞州旱高安楓樹結李實桃李皆花

白魚躍入府城浮橋上林志冬十月南贛大疫十二月大震

電禮部以聞豫章書十一年袁州臨江旱十二年春正月浮

梁火文廟譙樓皆燬安志是年餘干火十三年大庾大水十

四年甘露降分宜縣解桐樹時知縣吳蘭芝生上高縣廳

二本知縣童旭覆以亭豫章書夏袁州萍實門外池蓮一枝

雙葩林志冬十月廣信雨麥十五年九江虎畫入市三月間

吞噬百餘民命知府募獵士擒之隨作文祭告城隍以杜

民害豫章書二月十五午時廣昌地震如雷林志夏四月大庾

大水是年南昌旱豫章書十六年元日昧爽廣信有星流於

東北秋八月樂平地地震安志冬十一月二十五日夜四更廣

昌縣有星大如輪自天中流抵東方天如開裂紅光燭地

十二月朔舊南門火是年袁州大旱十七年袁州袁山門

外池蓮一莖雙葩豫章書夏六月廬山鳴經三日雷電大雨

平地水湧丈餘蛟四出石崩數十處冬高安縣火安志十二

月袁州分宜火燔民舍五千餘家儒學及安仁驛皆燬林志

十八年春分宜袁嶺白氣如虹上騰三日豫章書

正德元年武寧縣火城內民居幾盡夏瑞州旱秋七月大水

袁州山崩九月餘于地震安志二年夏袁州大仰門外池蓮

三本同蒂異萼秋七月吉安雨血著衣皆赤三年龍南雨

雹如拳黑風捲屋牛馬多擊死黑青自廣昌縣庫出至縣

廳入於獄有聲如裂屋樂平旱廣信自四月不雨至于十

月金谿雨黑子如豆明年臨川寇亂豫章書秋七月東鄉餘

干雨黑黍瑞州竹生花結實如米安志八月饒州後港蘿蔔

菜葉如劍如旗油菜結四實如鳥狀豫章書冬十月廣永豐

水溢有聲如潮林志四年廣信雨黑子如梧實袁州竹生花

結米飢民採之食樂平浮梁旱夏五月南昌大雨雹吉州

廣信自四月至冬不雨六月雷火焚廣昌縣儀門雨雹交

作南昌大水豫章書高安縣雨黑穀袁州臨江旱安志冬十二

月廣昌縣復焚五年袁州樂平浮梁早上饒雨雹殺稼豫章書

書是年奉新靖安大飢春三月樂平來一鳥九頭瑞州府

城火安志夏五月南昌大飢民起為盜六月間有星大如盃

光曜有芒日晡見於廣昌縣西隅六年正月朔東鄉進賢地震豫章書十一日戌時南豐地震林志夏廣信兩黑麥豫章書

五年吉安府兩血南昌見日有紅白暈中浮黑氣有頃始散安志六月臨江旱是月四日夜有火星交流復有火球大

如車輪尾長數丈光焰灼天隨府城東北角夜分又有星大如斗紅光燭城從西流至東南其聲隱隱如雷鳴秋七

月日晡有星如月流光燭地自廣昌縣南墜於西北豫章書袁州監生韓繼善家石榴一蒂六實林志七年廣信兩黑子

人試種之出葉如戈戟三月餘干仙居寨夜大雷電以西北風有火箭隨旗竿上如燈籠光照四野戌卒因撼動其

旗火直飛上竿首卒因發銃衝之其火四散闔寨鎗首皆有光如星須臾滅冬大庾火豫章書八年省城內外火災布

政司治及民居寺觀萬餘家林志南昌府旱夏六月豐城縣西南隕星如斗火作累日燬官民廬舍死者三十餘人秋

七月又隕星如盆安志九月袁州府城火冬十月臨江府城火南昌豐城火燬公署及民舍萬餘家十一月廣信溪沿

冰花宛如樹形九江湖口冰可通人行是年饒州苦寒草木皆死浮梁雨雹小者如卵大者如瓜壞民居田稼牛馬

多死傷豫章書九年秋七月瑞州大水山崩漂沒廬舍稻未刈者生秧八月朔南昌廣信晝晦星見豫章書冬桃李花成

實十年布政司治火寧州雨木冰安志十一年春三月寧都通天村有合抱枯樹偃仆已久忽風雨大作隱隱有聲頓

起如故秋七月贛州府城地震黑風四塞下黑子如竹實十二年春南昌府象牙潭山裂三月餘干地震豫章書甘露

降南昌府學宮夏四月豐城地震六月南昌有火自空而
 墮光焰長丈餘寧州東北方白氣如虹飛隨有聲秋八月
 南昌火燬民居三百餘家冬十月浮梁虎入城十三年夏
 六月有星自東南飛來其光燭天有聲浮梁縣民余邱家
 產一牛二面三日三鼻十四年春九江地震黑氣彌月始
 散安志夏南昌大旱自六月不雨至八月十五年春吉水南
 山悟空寺生竹一本五幹大庾縣火夏四月廣信大風雨
 電殺飛走拔大木壞廬舍五月又大水豫章書臨江府大水
 壞民田廬林志夏五月暴風豐城有三龍見於楓樹橋安志六
 月丁丑廣昌雨雪豫章書秋九月九江暴風龍開河小港女
 兒港壞舟數百溺死商人無算安志十六年玉山山溪暴漲
 勢若滔天漂蕩民居淹沒田土至有舉家沒溺無遺者四

月臨江疾風驟雨發木折屋平地水高丈餘蕩塞田畝林志

六月玉山分宜鄱陽水豫章書

嘉靖元年饒州水豫章書夏四月萬載學宮雙虹見自南竟北

五月次年再見五月各府大水飢安志廣信靈雨豫章書六月

大風拔木九月建昌地震有聲安志二年鄱陽大飢餘干大

疫林志夏四月玉山產麥一莖兩岐者三十餘本豫章書冬十

二月除夕饒州風雪大作平地須臾尺餘飄入民居燈燭

皆滅行李凍死相枕藉至元旦下午方止林志四年南昌府

屬飢高安縣學產並頭蓮五年春正月九江府赤氣見是

年十三府大旱夏五月鄱陽德化多虎六年瑞州臨江水

安志七年正月元日甘露降贛州長泰巡撫汪鉉以聞豫章書

八年饒州廣信水十一年夏建昌蝗冬十二月南昌九江

雷十二年夏四月十三府大水秋七月吉安府西北星隕
如雨十三年春正月夜萬載火光燭天數刻乃滅閏二月

南昌進賢五色雲見瑞州府地震十四年臨江府大旱次

年又旱安志秋七月吉安水豫章書十六年春正月豐城雨木

冰十八年夏六月大水安志十九年春三月大水豫章書夏四

月瑞州民飢安志秋八月浮梁大水豫章書二十年甘露降於

豐城之蜜嶺安志二十一年吉州大旱豫章書二十二年春正

月朔南昌五色雲見吉安大飢袁州城火延燒宣化樓二

十三年正月素州又火焚秀江樓十三府旱大飢安志夏六

月熒惑犯南斗是年江西列郡皆飢明年大飢民多流散

上猶縣志秋九月餘干大風拔木饒州府志二十四年春臨江府大

水無麥安志吉州大飢大疫贛州南安亦大疫夏四月泰和

土赤飯亦赤新城大水浸城堞漂官民房屋千餘所田地

二千餘畝男婦溺死者二千餘人豫章書二十五年秋七月

瑞金學泮池產蟾蜍二色白如玉二十九年春瑞州雨雹

傷稼四鄉稻秧俱盡夏五月五老峯蛟出數百三十年破

山來一彪似虎而大毛體尖喙二日而噬十七人三十一

年南昌旱民飢安志饒州四月不雨至九月饒州府志秋八月乙

丑貢院火豫章書三十七年饒州獲白兔府志三十九年泰和

天馬山崩水湧出螺數石大者如拳未幾寇至居民被禍

獨慘大白記春二月雨木冰撫州雨雹如石四十年春三月

大雨雪夏五月撫州見日光相盪安志饒州獲白鴈府志四十

一年夏四月至六月南昌數府大水四十二年春二月建

昌大疫安志饒州有牛腹大異常忽雷電繞其身產犢如駒

麟角俱其後莫知所之府志四十三年南昌府屬水次年飢
安志

隆慶二年南昌撫州旱民飢安志五年冬十月夜半天鼓鳴六
年德化彭澤雨雹大水安志

萬曆元年秋七月贛州金魚坊井中醴泉出其氣清芬味如

薄酒三日乃竭三年南昌地震旱五年奉新雨黑穀秋九

月萬載縣有巨石自天而墮安志九月四日有星曳於西南

色赤如火少頃沒晦日彗星見西方形如白雲勢若拖練

根五丈餘闊三丈餘長約十丈由尾歷箕越斗度牛至十

一月二十九日乃止南豐志冬十月南安贛州桃李華大雷

雨雹六年寧州雨黑穀安志南豐大疫縣志七年八年皆旱南豐

縣志七年進賢縣崇禮鄉生嘉禾一莖五穗秋崇仁縣火延

燒學宮三日始息十年瑞州水安志十一年南安贛州吉安

大水南安太平橋崩溺死者以千計豫章書十二年彭澤塌

毛洲出火焚烈有聲以物投之即燃十四年春二月瑞州

大雷雨三黃嶺迸裂進賢鶴仙峯甘露降安志建昌有巨蛇

一角六足如雞距不噬人蛇六足者名肥蠃見則千里內

大旱後十六七年果大旱明紀十六年南昌府兩豆或黑或

斑味如銀杏安志撫州民飢秋七月武寧縣雨雪九江府旱

十七年春撫州建昌袁州臨江瑞州五月不雨大飢秋七

月大疫萍鄉五虎入城瑞州荷山白鹿見十九年星子縣

文昌閣來一鳥似鸞安志二十四年水二十五年夏四月泰

和疾風拔樹壞屋秋八月各郡池水湧數尺高二十六年

大水豫章書二十九年贛州城黑嘗見形似狸犬夜間潛入

人室燈燭皆滅邪氣觸人春二月建昌學宮桂開花結子
三十二年冬十月九日南昌地震南康獲白鹿二三十
年春正月南昌府火延及布政司譙樓并南昌縣治民居
千有餘家夏五月雷火焚德勝門城樓安志冬十二月龍見
豐城田中身長四十餘丈頭似麟七日後飛翔挾風雨而
去豫章書三十六年南昌府水大飢四十年瑞州大雨雹形
似麒麟重一劬許四十一年秋八月貴溪地震冬十二月
寧都地震有聲四十二年春廬山蛟出水湧猛虎入天池
寺傷僧人數衆四十三年九江羣鼠渡江而南食禾傷稼
安志乙卯夏六月安福王某自外歸有雲如匹練隨之入屋
化為白龍尾指天而首向下睛鬚角爪皆具王驚呼家人
環拜鄰舍喧傳聚看三四食頃滅徐世溥兩禪新瀝四十四年吉

安大水民飢夏五月南安贛州淫雨蛟蜃並出水湧丈餘
四十六年夏九江星隕有聲秋九月東南白氣見至初更
即出兩旬始滅安志九月之杪東南方蒼白氣一道闊尺餘
約長丈二尺每五更出現洩旬始滅靈臺占長庚星主兵
屬楚分贛州舊志四十七年德化甘泉鄉木連理生安志

天啓元年辛酉春雨木冰兩禪新瀝二年秋九月大平宮蛟出屋
毀橋圮三年吉安府旱飢興安縣產紫芝夏五月瑞昌華
嶺山崩塞水口安志四年甲子夏大水贛州府志六年九江民邵
本進妻趙氏一產三男高安虎四出能上舟登樓開門破
壁殺數十人安志六年贛州秋疫贛州府志

崇禎元年秋九月自重陽後酷熱下旬尤甚廿九之午暘不
可言是夜無風自寒明日魚浮蔽江盡凍僵者兩禪新瀝二年

秋七月饒州府城火日數十發知府張有譽開水巷及西門以壓之冬大飢安志四年辛未六月廿一日東湖水鬪若有兩物在下推起中作噴湍兩碑秋七月十八日南昌及各府地震九月十六日天鼓鳴冬十月十六日又地震五年夏六月二日袁州雨黑穀人爭拾之以食七年春三月地震夏饒州大水害稼八年春三月上饒雨雹大如雞卵

夏五月暴雨鍾靈橋圯安志九年南昌及各府大飢米穀騰貴鄉城爭相搶奪巡撫解學龍禁之弗得後以數人正法方止十年春雨木冰饒州有飛虎自西北來止於鄱陽之義倉其狀虎頭鳥翼夏五月大水十一年冬餘干冕山夜有光如火次年復見安志冬十二月十九日大雪雷是歲有妖名馬狸精久之始滅零都儒學東齋榴樹下生芝一本

十二朶如紫雲寶蓋贛州府志十四年春正月大雨雪凝冰樹木凍折四山震響夏大水民飢安志春二月興安大雨雹廣信府秋七月十五夜信豐地震冬十一月二十四日復震十五年郡城火贛州府志十六年春德興雨黑黍夏五月餘干東康山石崩壞民居安志冬十月興國雷震東方天裂數丈白光如電興國縣志十七年春二月袁州地震夏五月德興西河巨石自起立轟然有聲秋七月異鳥叢集于九江其大如鵝

臨江雨黑沙安志是月二十六日會昌清溪山大黃沙崩裂水湧出高二丈漂沒民居男婦溺死無算贛州府志冬十月初九日龍見隨有五彩雲擁護陷橫塘一畝闊深十餘丈廣信府志

言府志

國朝

江西通志

卷一百一

祥異

三

順治二年乙酉廬山太乙觀生瑞芝九本三年丙戌夏南昌

暨各府自五月不雨至十月大旱四年丁亥春大水斗米

七錢民大飢安志夏四月日暮天門開於西南見五色方丈

如畫彭澤志五年戊子春夏大飢斗米千錢贛州府志夏六月天

門開於西北有文如前開閉有聲彭澤志六年己丑春正月

十一日九江晝晦如夜夏四月大水安志八年辛卯春正月

會昌地震贛州府志袁州旱民飢安志三月廿五日大雷電謝文

莊族裔一屋掇去田中離舊址百餘丈而瓦壁盡完柱皆

端正著礫兩禪新漚九年壬辰春三月地震南康有虹隕於淳

湖東小池長可尋丈五色爛然經日始散安志十年癸巳夏

四月四日大雷電如栲栳者甚多如杯如拳如粟者不啻

一石墜之地墜一雹形如杵長一丈一尺有奇兩禪新漚十

一年甲午袁州蟲害稼安志贛州城外善慶菴產靈芝高二

尺贛州府志十二年乙未湖口鄉民李茂華妻謝氏一產三男

安志十七年上饒縣署後堂棟間產靈芝一本廣信府志十八年

辛丑各府大水安志

康熙元年壬寅祥雲見贛州府志南昌及各府旱安志五年丙午夏

四月牛產麟於南昌縣五十都三圖金臺里劉思彬集七年戊

申春三月雨雹夏六月地震有聲九年庚戌冬十一月彌

月大雨雪十年辛亥夏五月南昌數月不雨大旱安志廣信

府麥秀兩岐廣信府志十一年壬子春民大飢道殣相望巡撫

董衛國勘報奉

旨蠲免本年錢糧預發倉米賑濟安志十三年甲寅興國唐村

火死者三百三十七人贛州府志十六年丁巳夏六月瑞金朱

大仁書室產芝二本瑞金縣志十七年戊午袁州產麒麟說秋

寧州及各縣旱巡撫佟國禎勘報蠲賑十八年己未秋南

昌等五十九州縣旱巡撫安世鼎勘報賑之贛州大水二

十年辛酉夏新建等十四州縣水巡撫李士禎勘報蠲賑

二十一年壬戌春瑞金松竇路徑一里許甘露降四十餘

日其味如蜜夏南昌等十四縣水秋宜春等八縣旱巡撫

修康年勘報蠲賑二十四年乙丑夏宜春萬安上饒鄱陽

樂平五縣旱災蠲賑白志二十五年丙寅廣信七邑水廣信府志

二十六年丁卯秋寧州等十七州縣旱賑之二十七年戊

辰秋寧州等十二州縣旱巡撫宋犖勘報蠲賑二十八年

己巳秋新建等四十一州縣旱蠲賑有差三十年辛未夏

永寧出蛟水決沙塞田二百餘頃秋瑞昌水三十一年壬

申夏上饒建昌二縣水賑之三十二年癸酉夏新建等十

四州縣旱巡撫馬如龍勘報蠲賑三十四年乙亥秋新淦

等一十二縣旱災賑之白志三十五年丙子雩都學宮桂樹

正月開花較盛於秋雩都縣志三十六年丁丑秋星子安義二

縣旱明年夏建昌水賑之南康府志三十八年己卯贛縣水口

山產紫芝七莖高三尺許贛縣志四十四年乙酉夏五月瑞

金山水陡發平地水高五丈城郭橋梁民廬官解衝倒過

半瑞金縣志夏新建豐城廬陵吉水四縣水巡撫郎廷極勘報

蠲賑四十五年丙戌夏清江新淦瑞金三縣水賑之四十

六年丁亥秋臨江府屬邑旱賑之白志四十九年庚寅夏四

月興國官舍桑樹產芝大如盤徑二尺色黃歷辛卯壬辰

每初夏長一臺累三臺贛州府志五十一年壬辰秋廣信府屬

大有廣信府志五十五年丙申夏寧州武寧建昌水巡撫佟國

勳勘報蠲賑五十七年戊戌夏旱巡撫白潢禱雨即應歲

有秋五十八年己亥夏旱甚祈禱如前甘霖立沛秋大稔

督學王思訓作兩公亭記白志五十九年庚子大有六十年

辛丑大有六十一年壬寅大有四縣水巡撫

雍正三年乙巳大有四年丙午南昌新建豐城進賢清江新

喻新淦建昌德化九縣秋禾水災奉四縣水巡撫

恩蠲免糧銀二萬六千三百兩有奇被災屯銀一百兩有奇

動支節備倉穀暨院司道公捐賑六年丁未上高縣夏禾

旱災蠲免糧銀三千二百兩有奇安仁縣秋禾旱災蠲免

糧銀二千五百兩有奇湖口縣藉田產瑞禾一莖四穗七

年己酉夏新建縣民周士義妻夏氏一產三男五月大庚

南康二縣大水奉

旨發帑銀四千六百兩布政使李蘭往賑秋彭澤縣民羅翰

聲妻宋氏一產三男八年庚戌大有春金谿縣民謝叔恭

妻徐氏一產三男七月萬載縣藉田民田產瑞禾有雙根

三穗者有三根雙穗者九月崇義縣產瑞穀每穗有三百

餘粒至四百餘粒者九年大有

繪畫至四百餘卷皆以平大首
 三蘇香育三牀雙蘇香以日崇義緝至莊錄每蘇育三百
 妻余以一壺三思十日萬燼緝田月田至莊未育雙牀
 贊妻宋以一壺三思人平東以大育春金窰緝月牀牀恭
 旨發帑驗四千六百兩亦延軒李蘭卦與煉遠聖緝月羈鎮
 南東二緝大水奉

江西通志卷第一百八

祠廟

神靈肇祀靡國不有翳功與德稱兩不朽德立于身望重
 山斗功及于人澤流遠久廟貌維新典禮由舊或專以享
 或配而侑俾几俾筵陟降左右式瞻榱桷如嚮斯受邦家
 之光報稱之厚是曰崇賢載筆非偶作祠廟志

南昌府

祠

澹臺祠舊在省治總持寺左祀魯武城澹臺子羽宋漕使程
 大昌創建額曰友教堂自爲記明洪武間參議李思聰萬
 曆間知府范涑先後重修堂背即澹臺墓巡撫王佐移建
 於府學大成殿南吉水鄒元標有記天啓末大瑞魏忠賢

斥賣郡國書院助水衡錢此祠亦不免至曳澹臺先賢像
投於湖濱崇禎初特旨復諸祠知府彭期生奉主歸兵燹
後幾廢順治十一年巡撫蔡士英重新之郡人熊文舉有
記雍正八年巡撫謝旻布政司李蘭修葺

豫章先賢祠在鐘鼓樓右即崇儒書院故址明萬曆間學使
沈九疇改建先後舉祀澹臺滅明徐穉羅從彥胡儼張元
禎舒芬魏良弼萬廷言萬思謙鄧以讚李材等十一人新
建大學士張位倡爲會講之所額曰豫章會館

理學名賢祠在省城進賢門內祀澹臺滅明范甯韓愈范仲
淹歐陽修周敦頤程珦羅從彥朱子張栻陸九韶陸九齡
陸九淵黃幹李燔張洽黃灝蔡元思真德秀陳澔饒魯吳
澄胡儼吳與弼胡居仁王守仁蔡清羅欽順邵寶張元禎

羅倫鄒守益羅洪先歐陽德羅汝芳舒芬胡直熊敬方鄧
以讚魏良弼萬思謙李材王時槐萬廷言鄧元錫章潢鄒
元標凡四十七人

按林志進賢門內舊有先賢祠祀宋羅從彥等十二先
生後增祀歐陽德等改爲二十四賢祠迨康熙二十九
年巡撫宋犖增祀澹臺子羽等二十三人始改今名

昭靈祠在武寧縣治南祀楚三閭大夫屈原唐封清烈公
五賢祠舊在省城迎恩坊祀漢梅福陳蕃徐穉晉范甯唐韋
丹宋慶曆七年知洪州張環建淳熙七年遷於府學

梅仙祠在府學傍祀漢南昌尉梅福元始中王莽顛政福棄
妻子去九江宋紹興初封吏隱真人幸元龍有記

宗賢祠在豐城櫛山之龍澤宋尚書雷宜中建祀漢徐穉宋

江西通志 卷一百八
胡安國元范登有祠記一稱龍澤書院

徐孺子祠一在東湖南孺子宅故址宋熙寧中知洪州曾鞏
即其地結茅圖像自為記南渡後廢乾道中沈帥樞重建
元至正末燬於兵一在東湖之東南昌學前之左又名高
士亭後燬明洪武七年知府許方重建永樂間巡按御史
張庸拓之崇禎初推官李嗣宗以子徐肩門人張遐配享
後經兵燬

國朝康熙庚午巡撫宋犖率僚屬重新之自為碑記

按水經云南昌東湖之上有孺子宅高橋之南有孺子
亭先生之祠像存焉唐宣宗時塘東有三亭曰孺子曰
涵虛曰碧波後燬洪容齋曰碧波亭後改為孺子祠明
洪武甲寅都指揮宋晟以祠當孔道遷於環波亭之故

址而環波又即涵虛之廢址也其間興廢變遷難以悉
數通志新舊祠所由分歟源跋

陳司徒祠在進賢門外徐孺子墓南祀漢豫章太守陳蕃明
弘治間都御史林俊檄知縣杜澗重建正德間學使李夢
陽復修葺之祠南二十里有高風廟亦祀司徒

三義祠在鐘鼓樓後舊為藥王廟以殘毀改祀漢昭烈及關
羽張飛

二聖祠在進賢門內祀關壯繆及馬祖前御史許世昌創建
康熙五十九年布政司許兆麟捐貲重修張尚瑗有記
劉侍中祠在寧州崇鄉祀漢侍中劉陵

許旌陽祠在廣潤門內故子城之南一名鐵柱宮明正統元
年按察使石璞奏請許遜韋丹俱有功德於西江宜列祀

典詔從之許仍祀鐵柱宮韋祠鐵柱宮內之旁祭酒胡儼
撰許韋二公功德碑成化五年知府王詔移韋祠於三橋
東巷

方岡祠在新建西山祀晉黃仁覽相傳季弟好獵仁覽折草
化鹿止其妄心後弟亦僊去故並祀焉

靈槎祠在豐城廣豐鄉晉時得大木於白石墓民伐以獻次
獨楮津一夕木逆流至江人異而祠之號汎槎神太守范
甯奏聞勅封宋紹興中賜今額

忠節名賢祠在省城洪恩橋舊為同仁祠祀孫燧許達王守
仁胡世寧伍文定唐龍六人康熙二十九年巡撫宋學改
祀陶潛狄仁傑張九齡顏真卿李綱張叔夜楊邦乂胡銓
洪皓歐陽珣岳飛文天祥謝枋得江萬里黃子澄練子寧

胡閏周德顏瓌王省王民曾鳳韶鄒瑾魏冕李時勉劉球
于謙孫燧許達胡世寧王守仁伍文定唐龍周憲黃宏馬
思聰宋以方熊浹韓雍林俊蔡懋德李邦華吳甘來凡四
十三人祠田租二百零七石

武陽郡公祠二一在章江門外祀唐觀察使韋丹大中三年
詔尚書司勳員外郎杜牧撰功德碑銘丹子宙復為觀察
使置田以供香火明隆慶中裔孫用賢修復

國朝康熙間燬于火裔孫經學重建雍正二年復燬裔孫弁
重建九年再燬裔孫嘉會修構旁屋數楹收貲供祀

柳貞公祠在武寧鄧家埠之柳山祀唐司馬柳渾宋丞相章
鑑有記後廢

按唐書柳渾棄衢州司馬隱洪州山中築室讀書此其

處耶宋里人陳功顯以先賢過化之地立祠祀焉祠傍有貞公井因公之謚柳山之名則因公之姓也

段中丞祠在武寧縣祀唐御史中丞段逸

三徐祠在新建洪崖鄉祀南唐衛尉徐延休及其子散騎常侍鉉內史舍人錯因徐氏先隴所在而祀之

正書祠在進賢門內即正學書院明嘉靖間學使王宗沐創建祀周濂溪程明道程伊川三先生學使沈九疇重修

濂溪祠二一在南昌府學右宋隆興間建朱子有記一在寧

州治東旌陽山麓明弘治間學使邵寶即講堂遺址祀像三先生祠在南昌祀張南軒呂東萊陸象山宋知隆興府吳子良建自為記

曲江祠在豐城磯山之巔舊稱三賢祠祀朱子李義山姚勉

李夢陽有記

按崆峒祠記以朱子往還湖南時與李後湖姚雪山遊此後人因奉粟主今以韋武陽易後湖者訛也

三李祠在新建睡仙觀側祀宋殿中丞李寅及其子侍郎李虛已洗馬李虛舟元末燬

陶淵明先生祠在新城門內祀晉徵士陶潛雍正九年南城裔孫檢討成建巡撫謝旻匾曰松菊猶存布政使李蘭記蘇公祠在東湖百花洲上祀宋隱士蘇雲卿明正統七年御史張謙建胡儼記今祠廢存亭

黃文節祠三祀宋黃庭堅一在分寧學右宋時建一在雙井明巡撫林俊重建置祭田自為記一在馬洲元尹吳觀建大忠祠在省城四道後街祀宋岳飛文天祥謝枋得久廢

國朝乾隆十五年布政使彭家屏復祀於五桂坊自立碑記
將以江西凡忠節表著俱與祀旋調任雲南未果

文丞相祠在豐城縣北祀宋信國公文天祥

江丞相祠在新建儒學左祀宋丞相江萬里久廢

樊修職祠在進賢崇禮鄉宋高宗南渡王虎魏全為亂襲豫

章邑人樊昌時昌盛昌諤舉義兵與虎拒戰死虎亦敗建

炎間贈昌時昌諤為修職郎昌盛為保義郎立祠祀焉

密都統祠在進賢欽風鄉又名忠烈祠祀宋都統密佑

張尚書祠在奉新縣懷種堂右宋慶元中張杓帥江西奏蠲

營田新稅民賴以全感念繪像與劉琪同祀楊萬里記

劉樞密祠在奉新寶雲寺後祀宋樞密劉琪楊萬里名
其堂曰懷種并為記

高沈二尹祠在奉新獅山之前祀宋令高南壽沈雲舉

胡氏祠在奉新儒學西祀宋光祿丞胡仲容都官胡克順尚

書胡直孺元季兵燬

趙把總祠在奉新華豐樓元至正間賊掠武寧靖安奉新等

縣把總趙某領官軍敗之後中流矢而沒民為塑像立祠

節士祠在進賢縣北祀元末死節之士樊明仲友仲用行徐

思德陶正道傅煥章饒思舜則志熊有源陳伯通徐弘道

葉明遠劉清公沈壽凡十四人龍興路判官辛敬奏建

大忠祠在府治西北祀元末闔門死難俠列篋一家十人

同公祠在南昌鎮署前元末廉訪使經歷同同與陳友諒兵

戰死於此原有祠廢乾隆十五年布政使彭家屏復立祀

王夫人祠在武寧縣署內祀元進士盛添祥妻明邑令盛文

郁母王卒於寧署華林寇亂現身臨陣擁護奏凱因祠之
濤峰朱先生祠在南昌縣明洪武間其子善建祀

大節祠在省城躍龍橋南明萬曆間勅建祀建文死事諸臣
黃子澄練子寧胡閏劉端王高王良王省周是修曾鳳韶
鄒瑾魏冕彭與明蔡運顏伯瑋顏有為凡十五人萬恭記
旌忠祠在省城進賢門內明嘉靖中勅建祀巡撫都御史贈
禮部尚書孫燧副使贈左副都御史許達以副使贈按察
使周憲配復增祀贈太常少卿前叅議黃宏贈光祿少卿
前主事馬思聰以贈光祿卿宋以方祔享謝遷記
忠節祠在奉新縣東祀明副使周憲吳一貫以舍人周幹及
陣亡義士何冲霄等配

仁政祠在南昌府學右祀明巡撫都御史劉光濟萬恭記

懷忠祠在省城惠民門內祀明孫忠烈燧許忠節達其地即
二公赴義之所

王文成祠在射圃亭大忠祠右祀明新建伯王守仁嘉靖間
學使徐階建魏良弼吳桂芳有記與大忠祠俱廢

國朝康熙六十年巡撫王企靖復建於磨子巷八隱祠右
八隱祠祀漢梅福徐穉晉范宣陶潛周續之唐臧嘉猷陳陶
宋蘇雲卿康熙六十年巡撫王企靖建乾隆十四年布政
使彭家屏重修以鉛山舉人蔣士銓居守供奉

謝忠愛祠在新建十二都祀明邑人謝得仁

懷功祠在靖安城隍廟右祀明按察副使吳一貫南昌知府
李承勳以平馬腦山賊功祠之

劉令祠在豐城縣西北明正德間以普安堂建祀知縣劉璪

懷仁祠在章江門外石亭寺左祀明巡撫周如斗萬恭記
褒德祠在南浦驛祀明巡撫夏良心萬曆中建奏請賜額
督學名臣祠在南昌校士公署後堂明萬曆間署提學叅政

姜士昌舉祀江西學使者黃仲昭蘇葵邵寶蔡清李夢陽
徐一鳴徐階江以東王宗沐朱廷益後學使蔡增譽復舉
祀王珏陳璘李齡夏寅潘子秀邵銳張岳凡十七人

按舊志所列名宦皆明萬曆四十年以前之學使其中
不無濫附而後之黃汝亨魏公說蔡懋德侯峒曾皆文
章節義並著應增入祀典原跋

崆峒祠在南昌錢局前祀明學使李夢陽已廢

陸中丞祠在德勝門外水晶坊祀明巡撫陸萬垓張位記

陸方伯祠在省城章江門內明萬曆間建祀左布政陸長庚

國朝康熙癸丑曾孫閣學陸萊重修後為管祠人盜賣庚子

夏四世孫奎勲清復之重建中堂門樓編修查慎行有記

文德祠在南昌東湖之上祀明章斗津先生潢

鄧文潔祠在東湖之南祀明吏部侍郎鄧以讚

舒文節祠在進賢城內祀明修撰舒芬周尹光祖建張位記

吳尹祠在寧州祀元縣君吳觀

劉徐二公祠在豐城華嚴寺側祀明巡撫劉光濟及知縣徐

子器以丈糧清稅民德而祀之

韓令祠在豐城西門外祀明令韓弼

二令祠在靖安東門內一祀明知縣葉重光有萬年樂利之

碑一祀應汝稼以立水次倉便民漕運故合祀焉

遺愛祠舊在寧州治西祀明縣丞黎斌今移舊南門外

江西南通志 卷一百八
州縣節孝祠雍正三年奉

旨建牌坊一座標題前後節孝婦女姓氏故者設主祠中每歲有司致祭南昌在學外西 新建在學外左 豐城在學外左 進賢在學外右 奉新在學外右 靖安在城隍廟側 武寧在學外東 寧州在學外左 廟

府城隍廟舊在南昌子城東明洪武三年知府趙文奎移建府治東南正統間知府胡本惠修張居傑記景泰間知府蘇仕宣修韓楊記萬曆間知府范涑重修自為記

州縣城隍廟南昌新建附郭 豐城在縣西 進賢在縣南明洪武間知縣梁璧建 奉新在縣北 靖安在縣東 武寧在縣東 寧州在儒學東

按江右城隍相傳為漢灌嬰高帝六年封潁陰侯南唐時封輔德王宋淳祐八年封忠惠王明洪武三年令天下城隍廟山稱某府州縣城隍之神悉革封號

龍王廟在府治中大街即原布政使王日藻講堂故址雍正五年奉

旨建迎祀福贛甘澤龍王神像每歲春秋分有司致祭

關帝廟在府學大成坊左祀漢壽亭侯關壯繆後殿祀

勅封關帝三代公爵位每歲有司致祭

州縣關帝廟南昌在縣署門內 新建在德勝門月城 豐

城在壽昌寺傍 進賢在西門外 奉新在縣治東 靖

安在義學右 武寧在城隍廟傍 寧州在演武亭左

旗纛廟在南昌都司內每歲以霜降日致祭

忠壯廟在進賢縣北相傳伍員奔吳過此因祀又名忠武廟
江東廟在省城廣潤門內祀秦人石固漢灌嬰擊南粵神告
以克捷之期故祠之

長沙王八角廟在南昌十七都滁槎祀番君吳芮及梅鎬
章江廟在省城德勝門外祀漢郡人章文宋大觀二年以應
禱賜額霈澤王廟

王中尉廟在新建昌邑山祀漢中尉王吉

龍沙廟在新建縣治北即賈萌廟今廢

孚澤廟在靖安縣北祀漢鄧禹耿弇

譙侯廟在南昌城南祀漢奉車都尉荊州長史譙重

劉城廟在南昌歸德鄉祀漢揚州刺史劉繇宋乾道七年以
救溺功賜額仁濟

漢吳二帝廟在奉新縣東南祀漢昭烈帝備吳大帝權

關王廟在南昌攬秀樓東巡撫蔡士英建黎元寬有記

長墓廟在南昌城東二十里祀漢劉岱

吳王廟在新建昌都鄉祀漢孫策一在西山吳王嶺

順應廟在奉新縣南祀吳太史慈宋隆興元年勅賜今額乾
道三年封靈惠侯邑人李琮記

卯山五神廟在奉新北祀韓當馬忠黃蓋王平凌統五人宋
咸淳中勅封當忠勇烈武侯忠威肅武寧侯蓋英毅武明
侯平廣德武寧侯統忠惠武安侯

龍津廟在豐城縣登仙鄉祀晉司空張華豐城令雷煥舊名
龍池廟宋紹興中賜今額

白馬廟有二一在南昌高士橋一在府學左祀晉旌陽部將

際真護法白馬忠懿謝王有黎元寬記

溫忠武廟在省城進賢門外祀晉江州刺史溫嶠

何無忌廟在新建生米鎮祀晉江州刺史何無忌討盧循戰死豫章民為立廟

罕王廟在新建遊仙鄉晉司馬儀嘗敗吳孫昭將黃皓徐淵兵於此後中飛矢沒葬於潭源儀三子孚應慶善昭利令裨將王威等伏兵破之淵皓俱死晉人以山寨悉平名其地曰太平鄉與遊仙鄉接壤立廟以祀罕王父子并其將佐或云罕王昭烈曾孫劉獲也宋姚勉有記

超山廟在豐城縣世傳晉范登雲尸解於此因祀焉

葆光廟在奉新縣西祀晉劉真君兄弟四人俱為神宋隆興二年勅賜廟額封神為忠惠英惠壯惠烈惠侯

孚應廟在新建修仁坊相傳唐隱士崔姓自分寧遊此值城中患疫以丹擲井折柳示人汲飲病者即愈勅封佳山孚佑侯廟明萬曆間大學士張位題額曰佳山福地或云神晉人姓崔名子玉唐憲宗得奇疾諸醫不效忽見道人賣藥於都市進一粒而愈問其姓氏曰臣豫章人崔姓俄不知所往遣使覓之乃於此地得崔公祠詔封英烈侯

文孝廟在省城德勝門外祀梁昭明太子蕭統

余侯廟在奉新縣西南祀邑人梁刺史余孝頃宋王炎有記黃司空廟在省城進賢門外祀陳都督贈司空黃法氈

武烈廟在南昌高士坊祀陳江西巡察大使果仁有賑荒之

惠唐封忠烈公南唐時以神兵助戰冊加武烈帝徐鉉記

英澤廟在南昌安仁鄉祀杯山之神明祭酒胡儼有記

江西通志 卷一百八 祠廟
明山廟在南昌鍾陵鄉神姓白兄弟三人宗顏宗說宗向以
孝弟著沒而為神唐光化中建廟宋初賜額顯靈并祀邑
人李忠萬叔敬于廡

風雨池廟在新建吳源山下唐開元中張九齡為洪州都督
禱雨有應貞元中觀察使李兼禱雨復應宋淳熙壬寅夏
旱帥漕遣禱有物如蠅蜒登於几未幾雨如注秦立廟

睢陽廟在新建望湖亭西南唐時建明洪武初勅封忠烈靈
祠今呼令公廟

張巡許遠廟在武寧縣武樓源一名朝天廟

駕山廟在奉新法城鄉祀唐隱士鄒垣

厚郭廟在豐城正信鄉祀唐義士傅初宋張自明記

威顯廟在豐城楊子洲祀唐淮南楊渥部將李承鸞天祐三

年從秦裴攻鍾匡時屢立戰功後敗死葬楊子洲有英靈

土人即墓側立廟祀之徐鉉記宋紹興中勅封今額

靈惠廟在豐城之神源祀唐黃元二子燻燻

將軍廟在武寧四十四都唐盧絳屯兵武寧築磨源陂灌田

萬餘畝鄉民德之立廟

萬都官廟在南昌安仁鄉祀宋都官萬俅祭酒胡儼有記

順濟廟在新建吳城山下有龍穴深不可測宋大中祥符六

年于穴西立廟封順濟侯御製戒蛟文刻於石熙寧中封

順濟王累加號曰靈順昭應安濟

斗門廟在豐城縣南石閘之上為水口鎮

忠臣廟在南昌五桂坊之西明洪武初勅建祀後翼統軍元

帥趙德勝右副指揮使劉齊左翼元帥牛海龍樞密判官

李繼先左副元帥趙國旺統軍元帥許珪右翼元帥同知
 朱潛千戶張子明臨江府同知趙天麟百戶徐明士伍張
 德山夏茂成洪都知府葉琛行省都事萬思誠凡十四人
 有諭祭文一道胡儼張元禎有記萬曆中知府范涑重修
 涂七公廟在奉新大街南以涂公鑿井惠民故祀之
 太陽廟在新建洪崖鄉謚紹津有記

壇壝

附

南昌府社稷壇在德勝門外明洪武間頒降禮制立壇於城
 西北北向四方各二丈五尺高三丈四出陛各三級壇上
 立石主長二尺五寸方一尺葬於壇南正中去壇二尺五
 寸上露圓尖壇下前十二丈或九丈五尺東西南各五丈
 繚以周垣四門紅飾以春秋二仲上戊由北門入祭知府

趙文奎遷建如制

州縣社稷壇南昌新建二縣附郭 豐城在洪橋外 進賢
 在縣西一里 奉新舊在縣西 靖安在縣治北半里
 武寧在縣治西 寧州在州治北

先農壇在進賢門外雍正四年奉

旨建

祀先農神祭壇一座神庫三間瘞池一口陪房二間就近

置耜田四畝九分每歲仲春有司致祭行耕耜禮

州縣先農壇南昌新建二縣附郭 豐城在登仙鄉 進賢

在東關外蓮花園 奉新在南壇 靖安在南門外 武

寧在北墩 寧州在東郊外

風雲雷雨山川壇在南昌進賢門外立壇于城西南坐子向
 午高二尺五寸方濶二丈五尺四出陛午五級子卯酉各

三級壇下四圍牆門與社稷同以春秋二仲上巳日合祀
風雲雷雨山川仍奉城隍神共祭知府趙文奎建

州縣風雲雷雨山川壇南昌新建二縣附郭 豐城在縣治
南 進賢在縣治南 奉新在縣治南 靖安在縣治南

武寧在縣治南 寧州在州治南

厲壇在南昌德勝門外立壇於城北濶二丈五尺高一尺六
寸四出陛各三級壇下南九丈東西各五丈繚以周垣
祭以清明日秋七月十五日冬十月一日歲三祭迎城隍
神主之知府趙文奎建

州縣厲壇南昌新建二縣附郭 豐城在劍江之濱 進賢

在縣西二里 奉新在縣東北 靖安在縣治北 武寧

在縣治東北 寧州在州治北一里

瑞州府

祠

四神祠在上高南岸之東四神者秦趙昱漢紀信唐段秀實

宋康保裔

梅子真祠二一在新昌縣尉山宅僊觀宋開禧間里人陳均

建幸元龍有記一在縣北天寶鄉墓側名存梅祠明天啟

間里人劉全曜建鄒維璉記

陶靖節祠在府治南碧落山宋咸淳乙丑知州文天祥建

忠烈祠在上高縣治南文昌閣下祀唐太尉段秀實

按唐書秀實為社稷死帝甚恨用不極才興元元年詔
贈太尉諡忠烈又詔致祭親銘其碑而未有廟也至太

和中子伯倫始奉詔立廟云

七賢祠在高安筠陽書院祀宋周濂溪程明道伊川張橫渠
朱子陸象山明王陽明又名景賢祠教文禎記

三賢祠在府治南祀宋余靖蘇轍楊萬里

四賢祠在高安治南祀蘇子瞻蘇子由黃山谷米元章已廢

三劉祠三一在高安縣靈山院一在淨慈寺一在新豐鄉祀

宋劉澥與子恕孫義仲幸元龍有記

呂寺丞祠在高安大愚山祀宋大府寺丞呂祖儉

三俊祠在高安化城院祀宋姚勉胡仲雲劉元高

文信國祠在高安鳳山明增祀陶靖節劉文成爲三先生祠

巡撫虞守愚有并祀記知府陶履中有重修記

陳令祠在新昌隆道觀左宋寶祐間建祀知縣陳登

雷神祠在新昌十六都宋岳飛統兵過此麾下有三將軍者

暴卒元丙子苦旱有神憑人言曰我三將軍也若建壇以
禱必獲豐收民如其言果雨遂立祠

張令祠在高安縣西五里祀元張珪

貞烈祠在高安迎恩門內明正德七年勅建祀瑞州通判姜

榮妾竇氏及本邑婦女之死節華林者天啓間知府陶履

中復修巡按御史曹谷記

節愍祠在府治後祀明贈按察司周憲及其子幹旁祀蕭亮

姚一桂鄺勤諸戰死華林者正德中知府鄺璠建後安義

盜起高安主簿袁瑤亦以討賊死子鳳翔殉贈官知縣春

秋配享嘉靖間御史熊相萬曆間知府陳振揚相繼修

魯守祠在高安學東祀明守魯史以請免高安虛賦民德之

立祠太僕卿朱吾弼記

勅建賜祭田七十畝春秋享祀

旌忠祠在新昌治左明末祀吳莊介甘來順治四年奉

桑將軍祠在新昌旌忠祠右康熙甲寅九月棚寇作亂乙卯

五月將軍提兵進勦民獲安堵合邑立祠祀之

各縣節孝祠高安在新市舖 上高在金石橋 新昌在縣

署右

廟

府城隍廟在府治鳳山西宋建明弘治間知府劉璣捕賊禱

廟有驗復新之周津有記內有吳將軍名翊贊附祀

各縣城隍廟高安附郭 上高在河北岸 新昌在貞節坊

龍王廟在府治新市舖祀福贛甘澤龍王雍正六年建

縣關帝廟高安在筠陽書院左 上高在察院道側一新

昌在治東青龍山觀音閣後

高胡侯廟在高安城北七十里高胡山下祀漢豫章陳夫乞

自漢迄宋享祀不絕水旱行禱皆應幸元龍有記

三閭大夫廟在高安縣東金沙臺祀楚屈原漢長沙王子拾

封建成侯後免爵徙家臺上立廟祀之王

相王廟在高安蔣家湖下祀伍子胥

關帝廟在高安筠陽書院左唐建明知府吳宗禮修李滑記

忠濟廟在高安世濟舖唐建祀吳將軍甘寧太保吳山記

利賤廟在高安鳳山祀陶回回平蘇峻功封康樂伯咸康中

食邑苦旱乃發廩賑濟民利其景賤建祠祀之

望蔡公廟在上高縣西三十里晉謝琰與謝元討苻堅有功

封望蔡公故廟食焉

昭明太子廟在高安儒榮坊邑人廖暹記

惠民廟在高安城南祀嘉州太守趙昱唐太宗封為神勇將軍開元間封赤城王至宋賜號惠民況莊有記

唐二賢廟在高安調露鄉先是幸南容建祀應智頊寶曆丙午里人並祀南容

米山廟在高安縣北祀唐尉李英武德中刺史應智頊命伐金牛卒祀之宋靖康元年賜號孚應

祠山廟在高安城北祀祠山之神舊名李王祠蓋指李祿也沖真廟在上高北門祀唐張巡許遠宋康保裔明洪武間建

靈椿廟在新昌署右祀宋蔡嵩蔡岑開寶間勅封靈椿大王譚守廟在高安朝陽門外宋譚中守筠有惠政民為立廟

宋帝康王廟在高安景行坊明天啓間修王應遴記

英烈廟在上高魚巷祀宋康保裔

岳王廟在新昌小東門內祀宋鄂王岳飛明知縣熊紀建

蔣將軍廟在新昌四都蔣為宋岳飛裨將追曹成至此中流矢卒屍立田間不仆鄉人異而廟祀之

東嶽廟在高安西安門內

顯濟廟在高安西北五里祀龍王幸潭也唐允功記

壇壝

附

社稷壇在府治阜城門外有姚雲重建碑記

各縣社稷壇高安附郭 上高在七都埠 新昌在治西鹽

嶺下

先農壇在府治東郊外

各縣先農壇高安附郭 上高在南郊外 新昌在東郊外

江西通志 卷一百八 祠廟

風雲雷雨山川壇在高明門外

各縣風雲雷雨山川壇高安附郭 上高在河南岸 新昌

在縣

厲壇在廣教坊

各縣厲壇高安附郭 上高在河北岸 新昌在北門外

袁州府

祠

三賢祠在府廳左洪武間推官陳谷建祀臯陶張釋之于定

國知府李順孫記後增祀司法叅軍徐有功

宜春侯祠在宜春縣宜春臺下祀長沙定王子劉成也成封

宜春侯立五臺其最勝者宜春臺桃李萬計及薨葬臺下

宋咸平嘉祐間立祠臺側祀之今府治東南復有王子廟

袁高士祠在宜春學右明學使錢檟檄府縣立祠祀漢林志作晉

袁京自為記侯世屏有崇祀文

陳重祠在分宜北陳里重仕漢後隱居雞足山卒而祠之

袁天罡祠在宜春之譙樓明萬曆間同知李瀚於樓修祭又

補鑄天罡原造銅璿璣於觀天臺自為記

韓文公祠舊在府學西宋州守祖無擇建祀昌黎以李鄴臯

甫提盧肇鄭谷配自為記後守鄭自誠重建黃幹記明正

統間巡撫韓雍知府姚文遷於宜春臺今址錢習禮記嘉

靖間知府劉廷誥改為昌黎書院

國朝康熙四十二年知縣江為龍重建仍為文公祠并記

按昌黎刺袁後袁人士如黃頗盧肇易重皆以文名博

魏科非韓公之教育能致此哉當是時感慶雲見民間
生子多名韓以志公惠亦猶潮之有韓山韓木也然則
公之精靈雖千載其可泯耶

李衛公祠在宜春化成巖側祀唐李德裕太和中德裕貶袁
州刺史宋紹興中尚書汪應辰判是州為之立祠

盧肇祠在宜春縣盧洲明萬曆戊午知府黃鳴喬建

鄭都官祠在宜春城北七里祀唐鄭谷

二賢祠在萬載學東宋紹興間建祀韓昌黎周茂叔西山真
德秀有記

報功祠在府治西七里祀唐刺史李將順

邑令祠在分宜治南大清里元至正間歐陽元率族子所性

建祀祖歐陽殊南唐宜春令也後以元配

三先生祠舊在府學東祀濂溪及二程子朱子記明正統間

都御史韓雍檄遷宜春臺下學士錢習禮有重建記正德

谷中知府姚汀復移建萍實門外增祀朱子張栻名五賢祠

周濂溪祠在萍鄉蘆溪鎮昔周子謫鎮監稅名士多從之遊

後人遂立祠於鎮之橋東明萬曆間知府鄭惇典同知陶

谷之肖遷建橋西規制弘敞巡撫劉堯誨記

五賢祠在萍鄉縣祀宋儒程顥程頤張栻朱子及邑人胡安

之已廢

祖龍圖祠在府學左祀宋龍圖學士祖無擇已廢

王待制祠在府治宜春臺下祀宋守王古萍鄉簿趙鳴鐸記

後守辛炳復移祀於仰山自為記

忠烈祠在府城東一里祀宋鄂王岳飛及其將王貴以戡定

湖南江西之功僉事余珊建明崇禎庚辰邑人袁業泗重修增祀左武大夫張憲及王子岳雲後軍義勇施全

鄭令祠在萍鄉蘆溪鎮祀宋令鄭強明廉使莊國楨記

黃太常祠在分宜治西明正德中知府羅輅知縣嚴鳳訪太常卿黃子澄故第建祠副使邵銳記萬曆間知府鄭惇典重修額曰表忠知縣周應治記

徐中丞祠在宜春東門外祀巡撫都御史徐枋前嘉靖間任宜春令有善政後撫江西又疏鬻沒官田產以免賠補軍需之苦民建祠祀焉新喻張春記

各縣節孝祠宜春在北門外 分宜在東門倉前 萍鄉在學外右邊 萬載在學外右邊

廟

府城隍廟舊在府治西北隅明洪武初知府朱守仁遷宜陽

門內

各縣城隍廟宜春附郭 分宜在治西四十步 萍鄉在招

賢坊 萬載在治東北

各縣關帝廟宜春在宜春臺下 分宜在城西 萍鄉在東

門左蘇家山 萬載在皂山地

三皇廟在宜春臺畔元至元中建祀伏羲神農黃帝虞集記

楚昭王廟在萍鄉安樂鄉楚山之下相傳楚昭王出奔於此

後人立廟山頂山勢挺拔無水供爨祈禱者持斗水以自

給忽一夕風雨廟徙山下宋彭襄有記

韓滸廟在萍鄉靖教里相傳滸從昭王來奔沒祀于此

閱城君廟在宜春東昌山渡唐太和中盧萼宰宜春建以祀

龍伯命姪盧肇記又分宜有孝通廟即閱城君也

漢壽亭侯廟一在府治宜春臺下元萬戶高伯顏立一在萍鄉蘇家山明知縣陸世勳建

聖岡廟在萍鄉縣東甘卓死王敦之難居民何彬立廟祀之宋袁及記明萬曆中命有司塑像致祭知縣陸世勳重修天符廟在萍鄉縣南即高山廟山頂有井晉太和間多疫乞水於井即愈邑人蕭居齋立祠祀之

東嶽廟舊在萍鄉西門外晉永和二年居民李泉建明萬曆間知縣陸世勳遷迎鳳嶺下

冊岡廟在萍鄉崇賢里晉末寇亂潘徽羅數傳康皆本里人結為兄弟率眾禦寇民賴以安歿立廟祀南唐始封將軍之號一曰明威一曰昭應一曰福順徐鉉為書扁宋建炎

間大旱州守祖無擇嘗禱之大雨立至至今靈應

蘇將軍廟在萍鄉縣東二里有唐歐陽率更碑其略云將軍本雍州京兆郡望族蘇秦後也以石勒之亂徙居常州晉陵縣晉泰和間見神於邑人許氏家遂為之立廟

名勝志

仰山古廟在府治南六十里仰山獺徑潭之側相傳昔有邑人徐璠者舟行至大孤山有二蕭生云居宜春仰山遂同載而歸至浦東告别期至石橋相訪後徐至其處見二龍乃知為仰山神唐會昌初建祠於仰山之陽宋加王封張商英有記元符二年賜祠額為孚惠周必大有新祠記明萬曆間知府鄭惇典重修里人簡繼芳記又府城南堵田有仰山正廟明歐祥重修又宜春臺上有仰山行祠宋紹興間建

江正志 卷一百八
三
耽江水府廟在分宜縣東五里神李姓逸其名

壇壝 附

社稷壇在府治西門外一里

各縣社稷壇宜春附郭分宜在治西宋建 萍鄉在邑西

萬載在赤硃岡

先農壇在秀江驛右

各縣先農壇宜春附郭分宜在東門外 萍鄉在大西門

外 萬載在大南關外

風雲雷雨山川壇在府治東門外

各縣風雲雷雨山川壇宜春附郭分宜在東門外 萍鄉

在治東 萬載在月臺上

厲壇在府治北門外

各縣厲壇宜春附郭分宜在北門外 萍鄉在治北 萬

載在治北楊桐岡

臨江府

祠

陶桓公祠在新淦縣明憲副洪萬善肖晉陶太傅侃像於祠

以公曾孫靖節先生配修撰羅倫記

東平祠在府治東門外祀唐睢陽張巡

雙忠祠祀唐張巡許遠舊名嘉應侯廟在新淦南門宋紹興

中遷新興寺前明弘治間參政董威僉事王裕重新改今

額

雲騰颯馭祠在峽江玉笥山元陽峯下祀唐刺史吳世雲

朱子祠在府學後宋寶祐中建以張洽黃幹配後廢像石碑

刻移置府學

先賢祠在新喻學左祀宋李諮劉敞劉攽蕭固楊獬李大有蕭燧謝諤章穎嚴時亨凡十人

黃勉齋祠在新淦縣治東祀宋令黃幹知府徐問記

褒忠祠在府城朝天門外宋勅建祀知臨江軍陳元桂賜額褒忠明正德間提學李夢陽重修以宋清江令趙孟濟配享嘉靖七年知府錢琦增祀死事宋臨江軍鮑廉泰和歐陽鐸及里人龔守愚俱有記

文丞相祠在府學右明巡撫都御史謝杰建明德堂祀宋丞相文天祥自爲記復於祠旁展拓祀少卿謝廷袞即杰之父也曾爲清江教諭故祀焉

劉天祐祠在朝天門外天祐爲元清江戍卒值紅巾寇起舉義不克而死其子六人間難俱死之士人爲之肖像立祠

石門祠在新喻東門祀明儒梁寅嘉靖中知縣祝爾慶建

練忠貞祠舊在府城東北祀建文朝御史大夫練子寧知縣

梁士濟改建府治東有記後知縣王心純勅明宗書院於

南門遂移祀焉名山藏云割淦之三洲隸峽二縣爭祀錢

太守若賡命二邑並祀故新淦峽江俱有祠羅洪先記

戴守祠在清江鎮祀明知府戴德孺正德間平華林賊從王

守仁討宸濠故民爲之立祠

各縣節孝祠清江縣在城內東街 新淦在學外東 新喻

在學外左 峽江在學外

廟

府城隍廟在治南

各縣城隍廟清江附郭 新淦在治東 新喻在治西 峽

江在城東鳳凰山

各縣關帝廟清江在天寧寺左 新淦在建興寺左 新喻

在縣治西 峽江在北門內

屈原廟在清江蛟湖之濱唐通判何德齡建

孝通廟在峽江治南舊名龍母祠唐大觀間賜額孝通

江東廟在清江富壽岡祀秦石固元延祐初萬戶楊重明頌

兵討蔡五九禱神默相兵還立廟祀之

武安王廟在新淦治東祀漢壽亭侯關羽宋紹興間建

周瑜廟在峽江吳志云瑜嘗定豫章廬陵留鎮巴邱後人因

立廟祀之額曰忠烈已廢

聶將軍廟在清江鎮宋慶元中建祀吳丹陽太守聶友

賢惠廟在新喻縣東祀漢張衡宋淳熙勅賜今額慶元間封

昭應侯

習鑿齒廟在新喻治北五十里晉桓溫辟為從事遷滎陽太

守後避地袁州家於宜陽卒葬棗木山子孫立廟祀之

昭明太子廟在清江縣治東祀梁武帝太子蕭統

令公廟在新淦治北祀唐郭子儀李光弼康熙壬子重建

英佑侯廟在新淦縣北大洋洲祀宋邑人蕭伯軒及其子叔

祥孫天任明成化間勅封英佑侯有御製祭文曾鼎記

康王廟在峽江縣西一里祀宋都護康保裔

晏公廟在清江鎮舊傳本鎮人晏戍仔元初為文錦局堂長

尸解於舟人以為神顯靈江湖明封平浪侯

東嶽廟在臨江西南五里創於宋明宣德間重建張徹記

順濟龍王廟在清江縣朝天坊宋巡檢馬勉之建

壇壝附

社稷壇在府城朝天門外明洪武初立

各縣社稷壇清江附郭新淦在治北新喻在治西峽

江在北門外

先農壇在西關外嶽廟前

各縣先農壇清江附郭新淦在東門外百華寺前新喻

在萬松庵左峽江在萬壽寺前

風雲雷雨山川壇在府城南門外

各縣風雲雷雨山川壇清江附郭新淦在南門外新喻

在西門外峽江在南門外

厲壇在府西門外

各縣厲壇清江附郭新淦在北門外新喻在治北峽

江在北門外

吉安府

祠

舜祠在萬安縣韶口世傳虞舜南巡於此嘗奏九成之樂後

人名其水曰韶水山曰韶山宋寶祐景泰間僧了敬建買

石百餘石以奉祭祀劉辰翁記

滄帝祠二一在萬安龍潭莫詳始末一在永寧名劉王祠俱

祀漢高祖也明嘉靖間陳文嵩重修

蜀先生行祠在永寧漿山里人有劉姓者商於成都因家焉

後子孫歸遂奉祀旱禱輒應

忠孝祠在吉水學右祀隋李孝子宋歐陽修楊邦乂楊萬里

文天祥明王省王良尹昌後增祀王禎李邦華

明侍中祠在府南城隍岡祀唐正諫大夫明崇儼

四賢祠在永新縣祀唐姚崇宋劉沆明劉定之尹臺

顏魯公祠在府治通判廳西宋咸淳四年建歐陽守道記

三賢祠在府學東初專祀顏魯公宋咸淳間知州倪普以姜

公輔余靖附焉周必大有記

忠孝義烈祠在永新治東祀唐忠臣賀泰宋左譽彭震龍張

履翁蕭燾夫元賀仲英姚正叔唐孝子張志元湯德明明

左興兒五代義士劉景洪元義士劉瑜劉瑀凡十三人

鄱陽侯祠在永新城北隅祀南唐南平將軍尹濯

貞節祠在永新儒學舊址左祀南唐節婦段母吳媛元彭九

萬妻李氏左幻白妻龍氏危元貞妻李氏明江繼文妻劉

氏李宗輔妻歐陽氏李惕妻劉氏劉持妻陳氏凡八人萬

曆中知縣龔錫爵請建自爲記

六一祠三一在府治內妙墨亭舊址宋嘉泰元年州守胡元

衡建祀歐陽修有楊萬里記一在府城西街建炎元年州

守方時建侍郎郭孝友記一在永豐瀧岡文天祥有記

忠節祠在府治南宋州守李芾建祀歐陽修楊邦乂胡銓周

必大楊萬里元季兵燬明宣德中重建增祀文天祥正統

間教授趙永言奏請增祀劉球天順間知府程宗奏請增

祀李時勉弘治間知府張本奏請增祀劉子輔御史王哲

奏請增祀鍾同凡十人正德五年知府任儀重修周忱記

國朝康熙四十六年學使楊顥增祀明王良曾鳳韶鄒瑾魏

冕周是修顏瓌王省張彥方劉臺傅應禎鄒元標李邦華

李之清郭維經凡十四人康熙五十四年學道魚鸞翔又
增祀南唐陳喬宋左譽胡夢昱孫逢吉曾如驥劉子薦曾
三聘元劉鶚劉運李廉高文鼎劉元謨郭煥章蕭生解子
元陳無吝李敬顏浩明劉鐸李幹凡二十人
二程祠在廬陵縣又名六君祠以郡之從事理學者配元劉
詵記明曾同亨有重修記

褒忠祠在廬陵治西祀宋楊忠襄邦乂元進士劉岳申為之
記

胡忠簡祠在廬陵香城山下祀宋學士胡銓有吳寬記

楊氏忠節祠在廬陵白馬廟舊址祀宋楊忠襄邦乂文節萬

里文惠長孺明文貞士奇文忠廷和副使楊必進請勅建

祠

黃山谷祠在泰和快閣右宋令趙師真建謝諤記中有庭堅

自贊石刻像廖自強有重修記明弘治間燬於火知縣楊

南金奏請割慈恩寺之半大新其祠少保尹直記

四賢祠在泰和縣祀黃廷堅曹鼎陸震周詔黃贊

監丞祠在廬陵慧燈寺後祀宋秘書丞歐陽珣

忠節祠在泰和縣祀宋曾如驥明周是修王思劉魁曾翀朱

褒

曾忠愍祠在泰和東門內祀宋曾如驥明羅倫記

劉令祠在泰和學右祀宋令劉備有羅焱記

趙令祠在泰和學右祀宋令趙師夔嘉泰間建已廢

宋丞祠在萬安泮街祀縣丞劉功甫

江古心祠在府治白鷺洲祀宋江文忠萬里有劉辰翁記

文丞相祠一在南崖之隕邑人王育仁記一在吉水澁塘揭
侯斯記一在永新大學士李賢記

文丞相忠義祠在廬陵螺山下明弘治中御史周孟中請祀
文信國及督府諸忠義趙時賞鞏信鄒瀛張汴陳龍復劉
子浚劉洙杜澣陳繼周何時傅卓尹玉繆朝宗蕭明哲林
竒曾鳳謝玘吳文炳林棟孫臬彭震龍張雲趙璠王夢應
羅開禮李梓發呂武熊桂陳萃金應蕭資徐榛陳子敬劉
伯文張唐蕭燾夫劉斗元劉欽蕭敬夫謝夢得林俞林元
甫鞠華叔顏斯立顏起巖吳希奭陳子全黃賢唐仁鍾震
蕭興張哲齋劉仕昭黃士敏等五十四人明尹直王守仁
俱有記

忠義祠在廬陵富田祀宋監簿劉子俊劉洙明王守仁記

大忠祠在安福縣明嘉靖間詔祀宋太學生王炎午

鞏信祠在廬陵八十六都信勤王戰死方石嶺下明孝子張

祥為建祠

六忠祠在泰和縣祀宋勤王死節者蕭明哲彭呂胡文可胡

文靜劉士昭黃士敏等六人明知縣田惟冀建自為記

四忠祠在永豐縣祀宋教授羅開禮明大理丞鄒瑾御史魏

冕鍾同

武城祠在永豐縣祀宋進士贈武城伯曾晞顏

按舊志載祀鄒國公不知何據考元史文宗朝加封曾

十參為鄒國宗聖公晞顏雖其苗裔不得襲稱鄒國吳文

正武城書院記云晞顏為宋進士以子德裕貴元贈武

城伯今據此改正

原跋

譚貞烈祠在永新學舊址後有八磚影亭祀宋烈婦譚趙氏
明弘治中賜額貞烈知縣烏斯道記

十義祠在泰和城西明知縣田惟冀建祀元陳新曾貫康震
蕭景諸思忠蕭弘量梁瑞甫曾慶道曾以文楊復亨

蕭彝翁祠在府學西祀元死節蕭生有夏霖記
四節婦祠在泰和萃和書院西祀元死節楊用霖妻蕭氏母

劉氏鄰婦陳氏鄧氏明知縣楊南金建
曾氏二忠祠在廬陵祥符寺左祀明曾子禎曾鳳韶

褒節祠在永豐縣城西祀節孝解心翼妻張氏元鈞
劉司業祠在泰和縣祀明劉崧

趙令祠在安福治南祀明永樂間知縣趙學成
褒功祠在泰和城東弘治十二年勅建祀楊文貞士奇嘉靖

三十二年賜褒忠祠額飭有司重修

按安志褒功誤褒忠又載文貞與王文端同祀考嘉靖
勅建勘合祭文專祀文貞一人文端另有專祠

胡文穆祠在吉水縣祀明大學士胡廣
王文端祠在泰和城西祀明吏部尚書王直

解學士祠在吉水東門外祀明翰林學士解縉
周文襄祠在廬陵城北隅祀明戶部尚書周忱

劉忠愍祠在安福治北天順間建祀明贈翰林學士劉球有
鄒守益碑記

熊芝山祠在吉水大東門外祀明都御史熊槩
李忠文祠在安福縣明提學李齡建祀祭酒李時勉

大節祠在廬陵縣西街祀明監察御史劉子輔萬曆甲申知

府余之禎建

廉節祠在安福城東隅祀明邑人南雄知府劉實
賢守祠在廬陵察院東祀明知府陳本深張本萬曆甲申建
一峯祠在永豐縣祀羅文毅倫知縣吳期炤重建有記

羅文莊祠在泰和縣祀明南吏部尚書羅欽順

劉端毅祠在萬安縣祀明贈刑部尚書劉玉

鄒文莊祠在安福儒學左祀贈禮部右侍郎鄒守益

聶貞襄祠在永豐縣祀明贈少保聶豹

李莊介祠在吉水谷村祀明都御史李中

毛襄懋祠在府城南郭外祀兵部尚書毛伯溫

王陽明祠在廬陵忠節祠右

五賢祠在廬陵青原山祀王文成守仁鄒文莊守益聶貞襄

豹歐陽文莊德羅文恭洪先中有傳心堂扁額

明德祠在五賢祠旁祀明吳達可吳正志張汝霖黃承玄丁

繼嗣余之禎吳十奇汪可受祁承鄴楊惟喬張鳴鸞朱鴻

謨劉憲龍方肯堂錢啟新龔懋賢蘇鄴明時舉凡十八人

青原山志

歐陽文莊祠在泰和縣門人建祀南野先生德尹臺有記

羅文恭祠在吉水學西祀明贈光祿少卿羅洪先

劉三五祠在安福之三峯祀明御史劉陽

懷德祠在萬安祀明令桑翹虞守愚萬曆間知縣王慎德記

烈孝祠在萬安縣北祀明孝子郭靜萬曆初勅建

王塘南祠在安福城東祀明參政王時槐即舊講學之地

劉晴川祠在泰和縣祀明工部員外劉魁

劉瀘瀟祠在安福城南門人建祀明禮部主事劉元卿

傅忠諫祠在安福城東祀明贈大理少卿傅應禎

鄒忠介祠在吉水學前明巡撫解學龍建祀左都御史鄒元

劉文節祠在吉水忠介祠右祀明祭酒劉應秋

忠孝祠在吉水元潭嶼坑明崇禎中建祀李廷諫額曰忠孝

旌忠祠在吉水縣大街祀明左都御史李邦華

國朝順治十六年賜諡忠肅并賜祠祭田畝

鄒德溥祠在安福城南

劉洞初祠在安福城南祀明贈太僕卿劉鐸

鄒瀘水祠在安福縣城東祀明御史鄒德泳

各縣節孝祠廬陵在學外左泰和在城隍廟后

湖西道署左永豐在聶貞襄祠右安福在學外大街

龍泉在縣署西萬安在東門外永新在學外右

永寧在學外右

廟

府城隍廟在城西一里城隍岡宋建元蕭憲記明曾阜重修

國朝雍正三年知府吳銓重建自為記

各縣城隍廟廬陵在府學西泰和在縣西吉水在縣南

隅黃明山記永豐在縣西歲久圯

國朝康熙五十六年知縣王坦重建安福在縣西明知縣

趙敏修劉球記龍泉在五廟明洪武間知縣高德賢建

國朝雍正八年邑人梁勳重建萬安在縣西永新在縣

西永寧在縣東

龍王廟在府治南門外金牛寺左祀福贛甘澤龍王雍正六年建

各縣關帝廟廬陵在南門外 泰和在達侯祠南 吉水在

南關 永豐在西門外 安福在治南 龍泉在城隍廟

左 萬安在縣右 永新在城西武濟橋 永寧在縣治

東

孝通廟在廬陵十都即龍母廟也

韓將軍廟在安福縣北祀漢韓千秋有歐陽廷端記

香城廟在廬陵城北三里祀漢名信臣已廢

漢壽亭侯廟在府治南濱江明萬曆間知府余之禎建

文孝廟在廬陵東門外祀梁昭明太子統

古城廟三一在廬陵七十一都隋大業間建祀陳武帝宋進

士汪會龍有碑記一在泰和縣西江南一在永豐縣治南

惠佑廟在廬陵神岡山祀陳曲江縣侯劉竺竺嘗守廬陵沒

而建祠宋賜額惠佑廟封嘉應侯

顯佑廟在吉水中鵠鄉神姓劉名煥長沙定王之裔隋大業

間建宋元祐間賜額孚應又封其神曰順惠侯元虞集記

興泰廟在廬陵社稷壇左祀唐安福令劉豫又名劉公廟

按圖經興泰廟即唐子西惠州所祀興祚泰民二王神

又按宋劉須溪所撰興泰廟碑記謂劉郎第十七非安

福令劉豫未知孰是並錄於此

田刺史廟在廬陵南門外唐刺史田陽卒於官臨終曰吾死

不忘吉州之民民感而祠之又有廟在安福縣揭傒斯記

郭汾陽王廟在永豐治南祀唐郭忠武子儀

國朝雍正三年知縣胡仁濟重建
 介剛廟在廬陵縣東南相傳唐吉州刺史蕭蒞有善政結茅
 於高阜講老子書自號蕭道者既解任民即庵址立祠宋
 周必大上其事賜今額

雲騰廟在府城西唐吉州刺史吳世雲罷政隱玉笥山修道
 成仙為立廟天寶中賜額雲儲大順中改今額

輔順廟在廬陵永和市祀唐仙匡智宋建炎三年神部陰兵
 護元祐太后紹興中勅賜廟額周必大有記又泰和通仙

廟即其神也胡澹庵有記
 張王廟在永豐上西坊據黃匡湖記謂即張巡也

南平王廟在廬陵東南四十里神即鍾傳仕唐為節度使封
 南平王

靈濟廟在龍泉三十都唐天祐中邑有龔姓兄弟七人俱以

孝友聞兄墮水諸弟救之俱溺死立廟祀之教授康端記

白馬廟在廬陵小學南祀王來知神五代時人常乘白馬號

曰白馬王郎宋尚書謝諤記

三閭廟在永豐水南祀楚大夫屈原

昭應廟在永新縣北一名臨池章王廟南唐保大間嘗顯靈

於城濠上賜今額

靈澤廟在永新縣南神李唐屬籍兄弟以義烈鬪死著靈顯

宋嘉定間峒寇犯邑近廟聞鐵馬聲懼而潛退

白沙靈祐廟在廬陵上流三十里祀宋高陽關都部康保裔

契丹入寇保裔戰死真宗贈封加秩禱祈輒應明梁潛有

重修記

忠義廟在廬陵宣化鄉宋紹定己丑南安峒賊趙九萬肆掠
大鵬民蕭必顯倡義禦之戰死者三十六人州上其事詔
立廟祀焉進士蕭山父記

英祐廟在府南龍須寺右祀水府蕭伯軒之神明正統初知
府陳本深建今改水府廟

劉洞廟在府治西南毛公渡洞係宋開寶時人廟近有官陶
十數造琉璃器器苦窳司陶者必禱焉明熊槩有記
芝山集

忠靖王廟在永豐縣治東祀唐張巡

忠通廟在泰和西平山祀宋巡檢陳百嘉

聖君廟在安福縣祀宋令孔良輔

按良輔宋安福知縣安志誤載為安成太守

瀟瀧廟在吉水義倉江側瀧上有大石千仞下為蛟龍窟宅

旱禱者赴焉宋王庭珪有記

旌忠廟在永豐北一里祀宋邑令趙訓之嘉定元年賜額周

必大記後增祀縣尉陳自仁熊彥明

忠毅廟在泰和觀音閣前祀元集賢學士達理又名達侯廟

明蕭基有祀典記

何宣差廟在泰和攬秀亭右元至元間命宣差先鋒臨吉授

以泰和縣保全生靈民甚德之立廟祀焉

太保廟在廬陵西門內祀元劉秉忠

郭丞廟在泰和白下驛故址祀明驛吏郭俊嘗救水災立廟

祀之

醫王廟在永豐治北祀張仲景

康王廟在永豐城隍廟右祀宋康保裔

壇墳附

社稷壇在府治西南甘泉門外明洪武七年知府王汝霖建

各縣社稷壇廬陵附郭 泰和在縣西二里明唐伯元記

吉水在縣治北 永豐在縣西一里 安福在縣南二里

龍泉在縣北二里 萬安在縣北一里 永新在縣西

三里 永寧在縣西三里

先農壇在西峯寺左

各縣先農壇廬陵在西峯寺左 泰和在東郊 吉水在東

門外 永豐在一都田西隴 安福在南門外山川壇左

龍泉在東關外 萬安在城外石橋地 永新在北門

外 永寧在北關外

風雲雷雨山川壇在府城西三里

各縣風雲雷雨山川壇廬陵附郭 泰和在平橋一里濱江

吉水在縣南一里 永豐在縣北一里范家園 安福

在縣北二里 龍泉在縣南二里 萬安在南門教場傍

永新在治東南一里 永寧在縣東二里

厲壇在府城北一里

各縣厲壇廬陵附郭 泰和在城北二里 吉水在北郊二

里 永豐在三都 安福在縣北二里 龍泉在縣北門

外 萬安在縣治北 永新在縣北二里 永寧在縣北

百步

